

CUL stacks
DU
740
A2
W3
V.

Page
CUL stacks
DU Pan Diego
Received on 11-29-93

WANTUK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

32 pes

Namba 1013/1012 Wik i stat long Fonde, Novemba 18, 1993.

40 toea

1994 BASET EM I K1.8 BILIEN

VERONICA HATUTASI | raitlm

LONG TUNDE bilong dispela wik, gavman i bin tokaut long baset o mani plen bilong neks ya, 1994.

Insait long dispela baset, Deputi Praim Minista na Minista bilong Fainens na Plening, Sir Julius Chan i bin tokaut long K1.835 bilien we gavman bai i yusim long mekim ol wok long kantri long 1994.

Praim Minista Pais Wingti i amamas long Sir Julius i skelim gut mani na abrusim ol planti hevi long kamapim dispela baset.

Mista Wingti i tok dispela baset i givim bikipela luksave long nid bilong ol pipel husat i stap long ol ples longwe long taun insait long kantri. Bikos kandim bilong ol pipel husat i stap long rurel eria i stap antap moa winim ol lain i stap long taun.

Long dispela baset, moa long K200 milien bai i go long helpim ol rurel fama wantaim ol rais prosek na ol arapela diwai bilong kisim mani long ol. Pe bilong ol kakao, kopra, ti, kopi na ol arapela diwai bilong kisim mani long en i no save stap wankain. Em i save senis. Sampela taim prais bai i stap antap na long ol narapela taim, prais bai i go daun. Na ol pipel bilong yumi insait long rurel eria i save kisim taim stret taim ol senis long prais i kamap.

Orait, Mista Wingti i tok pasin we gavman bilong em i mekim long givim moa mani long lukautim ol diwai bai i helpim tru ol pipel long taim ol prais bilong ol samting i no stap gutpela tumas.

Dipatmen bilong Viles Sevisi bai i givim bikipela hap mani i go long ol Lokol Gavman

kaunsil insait long kantri bilong ronim wok bilong ol.

Ol papamama insait long kantri tu bai i kisim bikipela helpim tu aninit long dispela baset plen wantaim long ol skul fi bilong ol pikinini.

Mista Wingti i tok olsem bikipela tingting bilong 1994 baset em i bilong rausim hevi we planti papamama i bungim wantaim skul fi bilong ol pikinini bilong

ol. Na em i mekim dispela long givim sans i go long planti moa pikinini i go long skul bilong kisim gutpela save.

Wok bilong stretim na go hetim ol bikipela rot, bris hausik, skul na ol haus kalabus samting em ol sampela long ol bikipela prosek we gavman i tingting long mekim. Olsem na ol bai tromoi bikipela mani bilong baset long mekim ol dispela wok.



• Sir Julius Chan

Ol pipel long Gusap i nidim moa helpim

OL pipel husat i stap long Gusap ke senta long Madang provins i laikim yet helpim long stretim sindaun bilong ol. Ol i lusim ples bilong ol taim bikipela guria i kamap long las mun.


Dispela ol pipel i laikim moa kaikai olsem rais tin pis, tin mit, suga na ol arapela samting olsem haus sel, klos, laplap na balkent bilong slip na ol samting bilong kuk olsem sospen, plet, kap na spun. Ol i laikim tu kaikai bilong gaden olsem taro, kaukau, banana na kumu.

Namba bilong ol lain i stap long Gusap em i moa long 3,000 na ol dispela pipel i laikim helpim.

Wanpela man husat i wok wantaim ol dispela pipel long Gusap, Ben Taumai i tok planti ol dispela pipel i lusim olgeta samting long ples. Ol i no stap na kisim ol samting bikos ol i pret nogut maunten i bruk na karamapim ol. Olsem na ol i kisim tasol liklik samting.

Taumai i tok ol i save skelim 50 beg rais na 40 katen tin pis long wanpela de. Na dispela i save mekim kaikai i sot kwik. Planti ol lapun man na meri i les pinis long kaikai rais na tin pis long olgeta de na ol i laik kaikai bilong gaden olsem kaukau, taro, banana yam na kumu.

Gusap ke senta i save lukautim samting olsem 26 vilis em ol i lusim ples biahan long bagarap bikipela guria i wok long ples bilong ol.



Ol yangpela lida. Asde moning 150 studen i bin pinisim 12 wik lidasip kos. Ol opisa bilong Lo Oda na Jastis i bin go pas long dispela kos. Planti studen em ol gret 9 prifek bilong ol haiskul insait long Mosbi. I bin gat tu sampela sista na bruder bilong Katolik Sios i bin stap insait long dispela kos. Memba bilong Wewak Open, Bernard Narakobi i bin kamap long greduesen na givim setifiket i go long ol dispela studen.

DELTA

STRONGPELA TRU NA INOPILAI NABAUT TRAK...
DABOL KEBIN BILONG DABOLIM PLANTI MOA
MANMERI INSAIT!



Ela Motors
OLGETA HAP LONG
PAPUA NIUGINI

PORT MORESBY 229400 • LAE 422322 • RABAU 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

Wanem samting i stap insait long 1994 nesanel baset

Moa mani go long edukesen na helt

GAVMAN i tok 1994 baset bai i helpim tru ol wok developmen long ol ruel eria bilong PNG.

Deputi Prais Minista na Minista bilong Mani na Plening, Sir Julius Chan i bin tokaut long 1994 baset insait long palamen long Tunde bilong dispela wik, Novemba 16.

Orait, baset mani we gavman bai i yusim long ol wok bilong en long kantri inap long K1.835.5 bilien.

Gavman i laikim ol pikinini long kantri i kisim gutpela save. Planti taim ol papama i pasim ol pikinini bilong ol long go skul bikos ol i painim hevi wantaim long skul fi. Baset bilong 1994 bai i helpim tru ol papama insait long kantri

wantaim long skul fi bilong ol pikinini bilong ol.

Long dispela na long go hetim ol senis we edukesen dipatmen i kamapim long ol skul stat long nau igo inap long yia 2,000, gavman i givim bikpela hap mani stret i go long edukesen dipatmen. mani ya inap long K31 milien. Dispela em i winim mani we gavman i givim go long edukesen dipatmen bilong go hetim wok bilong ol skul long kantri long dispela yia wantaim long K6 milien.

Gavman i tok tu olsem mani ya bai i helpim long kirapim na go hetim ol komyuniti na hai skul top ap we gavman i statim long dispela yia. Long dis-

pela senis, gret 7 na 8 bai i kam insait long ol komyuniti skul. Na ol provinsol hai skul long kantri bai i go inap long gred 12.

Long dispela baset tu, gavman i givim bikpela hap mani long helpim go hetim wok bilong egrikalsa long ol ruel eria.

Ol Nesanel MP tu i kisim moa mani long go hetim ol developmen prosek long ilekret bilong ol.

Gavman i katim daun takis long ol donesen i go long sariti grup na spot. Na tu pe bilong kisim ol radio, TV na ol arapela samting moa olsem i kam insait long kantri i go daun.

Ol Lokel Gavman Kaunsil long kantri aninit long Viles Sevi-

sis Dipatmen bai i kisim moa mani.

Sir Julius i tok moa olsem 1994 baset bai i helpim long go hetim ol wok kamap insait long praivet sekta, kamapim moa wok bilong ol pipel long kantri na kisim hariap ol sevis i go long ol ples longwe long taun.

Tasol ol lain long Oposisen i tok olsem 1994 baset bilong gavman i no mekim wanpela samting bilong helpim ol pipel long kantri. Gavman i givim aut nating mani i go long ol. Wanpela gutpela eksampel em long bikpela hap mani we gavman i givim i go long Lokal Gavman kaunsol long 1994 baset bilong en. Na tu mani bilong helpim

long stratim lo na oda na ol arapela sosel wok prosek insait long ol komyuniti long kantri i go daun long dispela baset.

Is Sepik MP Sir Michael Somare i tok olsem baset ya emi bilong helpim ol bisnis man. Olsem na em i no baset bilong helpim ol man nating long kantri. I luk olsem gavman bai i tromoi bikpela mani i go aut long kantri long kirapim moa wok bisnis, tasol nogat mani tumas i kam insait long kantri.

Hia nau mani we ol wan wan provins na ol gavman dipatmen bai i kisim long mekim wok bilong ol aninit long 1994 baset alokesen, stat long mun Janueri i go inap long pinis bilong mun Desemba.

Skel bilong ol dipatmen

SUMMARY	KINA
202 Office of G-General	878,300
203 Department of PM & NEC	67,884,100
204 Nat. Statistical Office	2,500,000
206 Dept. of F&Plan. - M/Expen.	130,518,300
212 National Computer Centre	3,200,000
214 Consumer Affairs Council	1,000,000
216 Internal Revenue Commission	13,341,400
217 Department of F/Affairs	20,319,600
219 PNG Inst. of P/Admin.	3,927,300
220 Dept. of Per. Management	7,470,000
221 Public Service Commission	600,000
225 Department of Att. General	13,641,600
226 Dept. of Cor. Inst. Services	24,647,100
228 Department of Police	79,632,500
230 Electoral Commission	3,700,000
232 Dept. of V/Ser. & Prov. Affairs	55,229,400
234 Department of Defence	54,300,000
235 Department of Education	98,606,900
236 Commission for Higher Edu.	19,463,200
240 Department of Health	100,416,900
242 Dept. of Yth, H/Affairs & Rel.	5,405,600
245 Dept. of Env. & Conservation	4,812,000
247 Dept. of Ag. & Livestock	19,422,000
249 Dept. of Fish. & M/Resources	6,828,300
252 Dept. of Land & Phy. Planning	14,902,000
254 Dept. of Mining & Petroleum	8,410,300
255 Dept. of Energy Development	5,027,000
257 Dept. of Civil Aviation	34,532,400
259 Department of Transport	106,332,100
260 Dept. of Inf. & Com. Services	2,910,200
261 Dept. of Trade & Industry	11,178,600
262 Dept. of Lab. & Employment	2,800,000
263 Nat. Tripartite Cons. Council	168,500
264 Department of Works	19,090,800
271 Dept. of Western province	9,209,900
272 Department of Gulf province	7,258,600
273 Department of Central prov.	12,090,000
275 Dept. of Milne Bay province	10,802,900
276 Department of Oro province	9,294,100
277 Dept. of Southern H/lands prov.	13,702,700
278 Department of enga province	8,585,900
279 Dept. of Western H/lands prov.	11,256,300
280 Dept. of Simbu province	12,922,500
281 Dept. of Eastern H/lands prov.	4,843,000
282 Dept. of Morobe province	2,086,600
284 Dept. of East Sepik prov.	5,319,200
285 Dept. of Sandaun province	11,884,500
286 Dept. of Manus province	5,919,400
287 Dept. of New Ireland prov.	1,909,400
288 Dept. of ENB province	900,600
289 Dept. of WNB province	3,989,100
290 Dept. of N. Solomons province	628,800
503 Ombudsman Commission	3,100,000
505 National Research Institute	2,220,000
510 Legal Training Institute	509,400
518 Nautical Training Institute	956,600
520 Institute of Medical Research	1,923,000
525 NB Commission	12,044,900
530 Investment Prom. Authority	1,871,100
531 Small Business Dev. Corp.	2,400,000
539 Nat. Museum & Art Gallery	1,604,000
540 The Waterboard	4,780,000
541 National Housing Corporation	9,158,000
542 National Cultural Committee	2,000,000
543 Rural Development Bank	10,000,000
546 PNG Electricity Commission	4,200,000
547 PT Corporation	4,000,000
548 PNG Habours Board	4,000,000
549 Air Niugini	1,000,000
556 Export Crops Indus. Corp.	17,449,400
557 PNG Nat. Forest Authority	19,212,200
558 Tourism Promotion Authority	3,000,000
571 Fly River provincial govt.	5,343,200
572 Gulf provincial government	3,885,100
573 Central provincial government	1,212,600
575 Milne Bay prov. government	2,781,800
576 Oro provincial government	178,200
577 Southern H/lands prov. govt.	6,594,800
578 Enga provincial government	4,753,800
579 Western H/lands prov. govt.	228,800
580 Simbu provincial government	214,800
581 Eastern H/lands prov. govt.	1,863,400
582 Morobe provincial government	1,763,900
583 Madang provincial government	3,278,300
584 East Sepik provincial govt.	2,314,500
585 Sandaun provincial government	269,000
586 Manus provincial government	132,700
587 New Ireland provincial govt.	1,249,400
588 East New Britain prov. govt.	3,497,000
589 West New Britain prov. govt.	1,298,500
590 North Solomons prov. govt.	1,169,700
K1,232,998,000	

Hevi kamap namel long ol sios grup

OL NUPELA sios olsem 4 Skwea na Sevende Edventis Sios (SDA) i kamapim hevi long ol memba bilong Luteran Sios insait long Satelbeg Seket long Finshafen eria bilong Morobe provins.

Mekim na sampela memba bilong Qaranko na Satelbeg Luteran Sios Seket i kukim 7 pela haus na wanpelas haus lotu bilong ol 4 Skwea long Qaranko na wanpela haus lotu bilong SDA Sios na haus pasto long ples Wengune insait long dispela sekot eria yet.

Dispela hevi i bin kamap long Oktoba 2 bihain long wanpela Baibel kem bung long Qarangko. Hevi i kamap bihain long ol 4 Skwea i pulim na baptaisim gen 23 ol memba bilong Luteran Sios.


Ol lidaman bilong Luteran Sios long Satelbeg sekot i lukim olsem tu pasin bilong holim han wantaim ol manmeri na traim bilip bilong ol i no stret. Em i egensim pasin bilong Kristen biliv we i stap moa long 100 yia long taim namba wan pasto bilong Luteran Sios i kamap long dispela eria. Ol bikman bilong sios i tok

tu olsem dispela pasin i no bihainim tok we i stap insait long buk Baibel. Nau ol laik bai 4 Skwea sios i mas raus na lusim dispela hap.

Ol Luteran Sios bikman i salim pinis wanpela petisen i go long sios na gavman bilong luklukim hevi bilong tupela grup hia na painim rot bilong stretim ol hariap.

Sampela long ol samting we i stap long petisen ol pipel yet long Satelbeg sekot i laikim na putim long petisen em ol: Rausim ol 4 Skwea na SDA sios memba long hap bikos ol wok long brukim stret famili, marit, na pulim ol memba bilong narapela sios i joinim ol.

Wanpela sios tasol i mas stap long hap. Sapos ol narapela liklik lain sios i laik kirap, i mobeta ol stap tasol long taun eria. Ol bikman i laikim tasol Luteran Sios long stap long ol ples insait long sekot bilong ol. Luteran Sios i winim pinis moa long 108 krismas long wok i stap namel long 23 tausen pipel bilong Satelbeg sekot.



Tisa samsam liklik..Wanpela tisa i bilas na danis i stap long taim ol tisa bilong Goroka Tisa Koles i greduet las wik. Foto: Sape Metta.

Moa helpim i go long ol yut na meri

WOK bilong kirapim mini long skim i kisim tu bikpela sapot i kam long ol yut na meri long kantri.

Dispela skim bai stat wok long 1994 na i bilong helpim ol grup bilong ol meri na ol yangpela long kirapim ol liklik bisnis bilong ol.

Long soim amamas bilong em, nesanel minista i bosim wok bilong Relisen, Hom Afeas na Yut, Andrew Posai i tok dispela dinau projek bai givim gutpela helpim tru long

ol meri wantaim ol yangpela.

Em i tok tu olsem wok bilong kirapim dispela skim i bihainim wanpela as tingting em ol meri i kamapim taim ol i bung long Madang.

Mista Posai i tok em i gat bikpela bilip tu olsem ol yut na ol meri bai yusim gut dispela skim long kirapim ol wok na projek long ples. Olsem bai ol inap kamapim tu gutpela sindaun na laip long ol komyuniti bilong ol.

Em i skruim toktok olsem dispela skim inap helpim tu ol yut progrem long provins. Bikos dispela em i wanpela bikpela hevi ol yut grup insait long kantri nau i wok long bungim.

I gat wankain dinau progrem tu i stap bilong helpim ol sios na ol non gavman oganaisesen. Aninit long dispela skim, mak bilong takis em ol bai baim antap long taim bilong bekim dinau bai daunbilob na taim ol bai

givim tu long bekim dinau bai longpela.

Long ol toktok bilong em, minista Posai i tok em i gat bilip olsem gavman bai skelim gut mani inap bilong mekim ol wok bilong ol yut na ol meri.

Na long wankain taim, mak bilong mani em Dipatmen bilong Relisen, Hom Afeas na Yut i kisim long 1994 baset i kam daun long mak bilong K1.835 milien. Olsem na minista i tok ol bai

lukluk tasol long kirapim ol bikpela projek. Na ol i no inap lukluk tumas long wok bilong stretim na saposim yet ol kain kain projek nabaut.

Olsem na dispela i daunim tu sampela ripot em i bin kamap olsem baset bilong ol meri na yut long 1994 bai go antap. Long dispela as, wok bilong planti progrem em ol i makim bilong kirapim long 1994 i no inap kamap. Bikos i no gat inap mani.

Toktok i kamap long skelim mani i go long Madang/Morobe guria

OL BOSMAN husat i lukautim ol bagarap bilong guria long Madang na Morobe provins i laikim ol yet i lukautim helpim mani i kam long gavman na ol arapela lain.

Fil kontrola Kenel Lima Dataona wantaim namba tu bilong em Manasupe Zurenuoc i mekim askim pinis long dispela samting i go long bosman bilong Nesanel Disasta na

Imesensi Sevis Leith Anderson insait long wanpela bung bilong ol long Lae long mun i go pinis.

Tupela man ya i tok olsem em i gutpela moa sapos ol i salim olgeta mani i go long ol long Lae. Na ol yet i ken makim ol man bilong tupela provins wantaim long sainim signesa wantaim o han mak bilong ol na kisim mani bilong baim ol

samting bilong lukautim ol pipel bilong tupela provins wantaim.

Long dispela taim em i hat bikos ol lain bilong Nesanel Disasta yet long Mosbi i gat tok orait long sainim ol sekmani na salim i go long tupela provins bilong baim ol samting bilong ol pipel long kea senta.

Na ol bikman bilong tupela provinsi ting

olsem dispela rot i kisim longpela taim. Bikos ol i mas stretim ol nid bilong ol pipel kwiktaim.

Wanpela opisa husat i bin stap insait long bung i wanbel tu wantaim long tingting bilong tupela bikman ya.

Opisa ya i tok ol pipel i save olsem ol bosman long Waigani inap long yusim helpim mani bilong ol pipel

long Morobe na Madang husat i kisim bagarap long guria i go long ol wok long narapela hap bilong kantri. Na mani bilong helpim ol bai i pinis hariap na ol pipel i go hangre.

Tasol Mista Anderson i tok olsem as tingting bilong ol long Mosbi i holim mani na siknesa em bilong mekim isi long foren misen i sekap hamas mani tru

i stap. Na tu bai em i isi long ol i lukautim ol pepa wok.

Em i tok moa tu olsem pastaim long dispela askim bilong ol i karim kaikai, em i laikim wan wan provins long kantri i kamapim provinsal disasta komiti bilong ol long lukautim ol kain kain hevi olsem we bai i kamap long bihain taim.

Sapos i tru tru ol i

kamapim ol kain komiti olsem, ol bai mas bung long 3 pela taim insait long wan wan yia bilong katim na plenim mani bilong ol kain kain hevi, Mista Anderson i tok.

Em i no gutpela yumi i stap nating i go na taim ol hevi i kamap long yumi, yumi i go longlong nabaut. Dispela pasin em i no stret, Mista Anderson i tok.



• Wanpela bilong ol dispela lain studen, Wisa Sarverl i makim ol studen na bekim toktok long taim bilong greduesen bilong ol.



• Demetrius Kili i kisim setifiket long memba bilong Wewak, Bernard Narakobi. Demetrius em i wanpela studen long Don Bosco teknikel skul long Mosbi. Bruder Pat Howley i sanap wantaim Mista Narakobi.

Ol studen i pinisim lidasip kos

SAMTING olsem 150 sumatin olsem i laki stret long kisim trening na save long go pas olsem ol lida manmeri na tu long pasin bilong pinisim ol belhevi insait long ol skul na komyuniti.

Ekting Seketeri bilong Edukesen William Penias i bin mekim dispela toktok long wanpela greduesen seremoni bilong ol sumatin long Bomana arasait tasol long Mosbi siti.

Ol sumatin na 6 pela Sista bilong Katolik Sios i pinisim 12 pela wik lidasip na pasin bilong pinisim ol kain kain belhevi kos.

Ol sumatin em ol prifek long 8 pela Provinsal Hai Skul insait long Nesanel Kapital Distrik. Ol dispela skulem Gordons Provinsal Hai Skul, Tokarara, Gerehu, Badihagwa, De la Salle, Marianville, Kila Kila, Don Bosco Teknikel Skul na sampela ol Katolik Sista na Brata bilong Sekred Hat, Frensisken Fraias na ol De la Salle Brata.

Faundesen bilong Lo, Oda na Jastis i bin go pas long dispela kos. Na Brata Patrick Howley i bin ronim kos ya long tupela awa long wapela de insait long wan wan wik, stat yet long mun Ogas bilong dispela yia. Dipatmen bilong Viles Sevis na Minista John Nilkare i bin givim bikipela helpim wantaim mani long ronim dispela kos.

Em i nambawan taim tru long kain kos olsem i kamap insait long kantri. Na ol i ting em i gutpela long ol arapela hai skul long kantri i ronim kain kos olsem bilong redim ol sumatin long ol salens insait long lap bilong ol.

Mista Penias i bin tokim ol sumatin olsem trening na save ol i kisim bai i gutpela long helpim ol skelim na daunim ol planti bikhet pasin na ol belhevi we i wok long kamap bikipela insait long ol skul na komyuniti bilong yumi. Na bihain long dispela kos tu, ol sumatin inap long sanap na toktok long ai bilong planti manmeri wantaim nogat pret o wari.

Em i tok tu olsem i kam inap nau, ol skul long kantri i no save redim na trening ol sumatin long ol samting we bai i kamap long laip bilong ol long bihain taim.

Em ol samting olsem pasin bilong daunim, skelim na pinisim ol belhevi na pasin bilong sanap toktok long ai bilong planti manmeri wantaim no gat pret. Em i tok planti taim ol skul i tingting tasol long redim ol sumatin long ol samting we i stap long skul kurikulum olsem long rit, rait na ol kain samting olsem. Na ol i lus tingting long ol arapela bikipela samting we bai i kamap long laip bilong olsumatin long bihain taim.



WANTOK

NIUSPEPA BILONG OL PAPUA NIUGINI STRET

Gutpela rot bilong yusim mani mas kamap nau

DISPELA wik gavman i tokaut long baset bilong 1994. Mak bilong mani em inap long K1.8 bilien. Dispela mani i bikpela tru. Yumi ol pipel bilong PNG i no save long mak bilong dispela kain mani.

Gavman bilong yumi tu i no gat dispela kain mani. Em i mas go long ol ovasis beng na kisim dinau long kamapim dispela mak bilong mani, orait, ol i skelim i go long wok bilong gavman long neks yia.

Dispela kain pasin em olgeta kantri i save bihainim. I no yumi long PNG tasol. Olsem na i gutpela sapos gavman yet inap long strong na kisim bek mani long ol takis. Planti taim ol i putim mak bilong mani em gavman i mas kamapim insait long kantri. Tasol ol i save popaia.

Yumi lukim planti ol gutpela aidia i kamap long dispela baset. Mani i kam long helt na edukesen. Mani i go long ol kaunsil. Mani i go long sapatim prais bilong ol egrikalsa bisnis.

Em i gutpela. Ol pipel bai amamas tu bikos ol wan wan memba bilong ol i kisim K300,000 (tri handet tausen kina). Ol pipel long ilektoret i amamas long harim. Nau ol i ken kisim helpim long memba bilong ol. Tasol ol memba i mas skelim gut mani na raitim stret ripot long wanem rot ol i spendim mani.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

Moa ripot bilong ol hevi i kamap long guria Ol pipel i sot long haus sel

BEN TAUMAI i raitim

Planti pipel insait long Gusap kea senta long Madang i sot nau long ol selhaus bilong wokim ol haus slip long en.

Wantok ripota long Madang i save olsem, ol selhaus insait long ol bikpela stua long Lae i pinis. Na ol pipel i wetim tasol ol oda long Mosbi i go long hap.

Hevi bilong selhaus i mekim na long las wik Tunde planti famili long dispela kea senta i kisim taim stret. Ol i karim ol pikinini bilong ol i go hait aninit long bikpela selhaus bilong Salvesen Ami i go inap tulait.

Tupela kea senta long Madang i gat samting olsem 3,6000 pipel olgeta i stap long en. Gusap kea senta i gat moa long 3,000 pipel i stap long en, winim ol narapela kea senta insait long Morobe na Madang provins.

Kea senta ya i lukautim ol pipel husat i kam long 26 ples olgeta long hap bilong Nahu /Rawa, samting olsem 30 kilomita longwe long Tauta stesen.

Em ol ples olsem Kumbambi, Naiko, Dana, Dulukopo, Sewe, Sene, Gogea, Waniru, Mundaku, Hahari, Masambu, Kikibe, I k a w a , W a l i, Wamunde, Pitisari, Woya, Moro, Mororo,



• Fil kontrola bilong Papua Niugini Difens Fos na man husat i go pas long lukautim ol wok long Morobe provins bagarap, Lima Datona (wantaim aiglas) i sanap paitim toktok wantaim Asisten Seketeri bilong Provinsal Afeas long Madang, Nick Genai, man i bosim mani bilong Morobe provins, Billy Naime na saveman bilong wok bilong graun, Mista Mathew long Nahu kem long 20 Oktoba, 1993.

Haraga, Bengumun, Munape, Karabasi, Konda na Pone.

Narapela kea senta long Madang em i stap long Ranara, samting olsem 15 kilomita longwe long Ramu Suga. bMoa long 600 pipel bilong Tauta gavman stesen na ol ples klostu i stap long en.

Orait, samting olsem 2,781 pipel i stap long tripela kea senta long Morobe provins.

Namba bilong ol manmeri long wan wan kea senta i stap olsem, Wantoat i lukautim 1,533 pipel, Yanuf i gat 664 pipel long en na kandim

bilong ol manmeri na pikinini long Bibuai kea senta i stap olsem 564.

Planti lain bilong ol sios, yut na ol mari-mari ogenaisesen long kantri i givim helpim bilong ol i go long ol pipel bilong Madang na Morobe kea senta. Em ol lain olsem Lutheran na Katolik Sios long Lae na Ramu, ol yut bilong Ramu, Ramu Suga kampani, Salvesen Ami na PNG Red Kros na Rijonal memba bilong Madang Peter Barter.

Long wankain taim tu, ol pipel insait long ol kea senta i painim hevi long wara bilong dring na waswas long

en. Long nau, tupela tenk wara tasol i sevim ol pipel. Dispela em i hat liklik bikos bikpela trak i save kisim wara i kam long Ramu Suga long pulum apim tupela bikpela tenk long kea senta. na Ramu Suga i stap longwe liklik long Gusap kea senta.

Ol ensinia bilong PNG Difens Fos i wok nau long stretim wara saplai na ples bilong wasim ol samting long en.

Taim planti pipel i stap bung wantaim long wanpela hap, ol i mas gat hap bilong pilai, malolo, lotu na ol kain samting olsem.

Mista Barter i lukim nid bilong ol pipel bilong en long dispela samting. Na em i kisim ol kapenta bilong Woks na Saplai dipatmen bilong wokim wanpela rekriesen hal.

Long las wik Fonde, dispela rekriesen hal i pinis. Na ol pipel i yusim haus ya long mekim ol sios sevis, ol miting, lukim piksa na ol arapela samting moa.

Planti komplek long no laikim ol kaikai olsem rais i kamap long ol pipel bilong ol kea senta. Ol i laik kaikaim ol kaikai bilong ples olsem taro, kaukau, banana, yam na ol kumu.

HAZ BIABIA I SAVE KOLEKTIM FAN REISIN MONI LONG OPIS BILONG EM...

HELP! HELP! HELPI! OL TURANGU LONG SETOLMEN! HELP!

EM YAH! MI PUTIM K20!

HELP! HELP! HELPI! OL TURANGU LONG MOROBE LAND SLAID! TENKIU TRU!

WANPELA DE EM I GO MEKIM FAN REISIN (KOLEKTIM MONI) GEN LONG OPIS... EM LUK SORE WANTAIM NA SANAP...

HEY, BIABIA! YU LUK SORE TRU! TARANGU, HUSAT OL I KISIM BAGARAP TRU?!


OL I PULI-MAPIA BOKS LONG MONI FAS-TAIM NA BIHAINI MI TOKIAM OL!

OH, YU G*!! SLOB!!

SORI TRU OL GUTPELA WOKMAN BILONG MI... (SNIFF!) KAMPANI BILONG YUMI I BRUK OLSEM NA MI KOLEKTIM MONI LONG PEIM SALARI BILONG YU!

OLGETA TAIM SAPOS I GAT BAGARAP, O OL YUT GRUP I NIDIM MONI, EM BAI GO LONG DIPATMEN BILONG EM NA MEKIM FAN REISIN LONG HELPI! OL TURANGU...

BIABIA I LUKIM OLSEM BOKS I PULAD LONG MONI NAU EM TOKIAM OL STRET WAI NA EM KOLEKTIM MONI...



Moa ripot bilong ol hevi i kamap long Madang/Morobe guria

Bikpela wok bilong lukautim ol pipel i stat nau

DISPELA em ol ripot i kam long Wantok ripota Ben Taumal husat i bin mekim tripela de lukluk raun i go long ol ples we guria i bagarapim insait long Madang provins. Bikpela guria bilong Trinde Oktoba 13 i bin bagarapim ol ples na sindaun bilong planti pipel insait long Madang na Morobe provins husat i stap nau long ol kea senta. Hia nau ridim stori bilong Ben Taumal.....

Namba wan taim bilong mi long go lukluk raun long ol ples guria i bagarapim long Madang provins em long Trinde Oktoba 20. Em long samting olsem 8.30 long Tunde moning.

Mi bin wetim edministreta bilong Madang Wep Kanawi long opis bilong em long go wantaim em bilong lukim ples na pipel husat i kisim bagarap long bikpela guria bilong Trinde Oktoba 13. Mista Kanawi i bin gat ol arapela wok long mekim, olsem na mi bin go wantaim asisten Seketeri bilong Madang Provinsol Edministresen, Nick Genaia long dispela wokabaut.

Mi kisim kemra bilong mi na sindaun long baksait bilong ka we draiva yet bilong dipatmen, Mars Makala i ronim.

Bihain long mipela i lusim provinsal opis, mipela i go long haus bilong Mista Genaia na kisim narapela gavman wokman i go wantaim mipela. Man ya em Ken Allan. Orait mipela i ron bihainim haiwe i go long Ramu Suga we mipela i kisim helikopta na go antap long Nahu.

Ron long ka i go long Ramu Suga i kisim mipela wan na hap aua. Long hap mipela i kisim sampela kaikai

na draiv i go long rot bilong Naiko we mipela i bungim sampela lain Difens Fos soldia na kiap bilong Lae, Billy Naime.

Kalap long helikopta

Tupela Mista Genaia na Naime i toktok liklik na wanpela helikopta i kam bek long Nahu. Helikopta ya i wok long karim bensin na ol pipel i go long Nahu. Ol pipel ya i lusim ol ples bilong ol we bikpela guria i brukim graun na kamapim bagarap long ples.

Long 11 kilok Mista Genaia, Allan na mi i kalap long helikopta na i go long Nahu. Mipela i bihainim wara Gusap na mi lukim gut tru ol ples we i kisim bagarap. Em ol ples olsem Sewe, Moro na Dana.

Taim mipela i kam klostu long Sewe mi lukluk i go long raithan windo bilong helikopta na lukim hap graun bruk we i bin kilim tripela pikinini long Trinde Oktoba 17. Mi kwiktaim kisim kamera na mi kisim poto long en.

I no longtaim na mipela i pundaun i go long Nahu ples balus we Fil Kontrola KeneLima Dataona i bungim mipela. Mi lukluk raun go na lukim ol soldia i stap pinis long hap na wok hat stret long

rausim ol manmeri na pikinini taim helikopta i karim ol i kam long ol ples olsem Dana, Sewe na Moro.

Bungim hap wanwok

Mi lukluk long sait i go long kisim poto bilong wanpela lapun meri ol soldia i karim em i kam aut long helikopta. Mi lukim niusman bilong EM TV Udu Vaina mi tok halo long en. Mitupela i sanap stori liklik long ol birua i kamap long ol pipel bilong dispela hap. Mi save long Udu Vai bikos mitupela i bin wok wantaim long Niugni Nius long 1988.

Orait, long samting olsem 4 minit i lusim 2 kilok long apinun, tupela jeolosis o ol mansave long stap bilong graun i kamap na toktok wantaim Kenel Dataona long wok painimaut ol i mekim long hap eria bilong not wes Nahu. Tupela man em ya Tim Brown na Mathew.

Mi wokabaut i go long hap we ol soldia i wok long rausim ol pipel i kam aut long helikopta. Planti long ol lapun manmeri wantaim tu ol pikinini i pret na kraik wantaim. Long wanem em i nambawan taim tru bilong ol long lukim dispela kain birua i kamap long ol na ples bilong ol. Mi lukim ol tarangu ya na tingim bek papa na mama



• Asisten seketeri bilong Provinsal Afeas long Madang, Nick Genaia long lephan i bungim na sekhan long man husat i bosim olgeta wok long hap, Lima Datona taim em i go kamap long ples bilong ol bagarap.

bilong mi long ples na aiwara bilong mi i pundaun.

Wanpela mansave moa long pairapim bom i kam long helikopta wantaim ol pipel. Nem bilong en em Mesa John Kari. Mitupela i sekan na sanap toktok liklik.

Bikpela sori

Long taim mi lukim helikopta i bringim ol manmeri na pikinini i kam, mi sori tru na tingting watpo tru kain bagarap olsem i kamap na bagarapim gutpela sindaun bilong ol dispela pipel.

Orait, long samting olsem 3 ki lok apinin Kenel Dataona i kisim tupela opisa bilong EM TV i go long ol kea senta long sait bilong Morobe provins. Em long Wantoatna Yanuf. Bihain long en ol i go bek long Lae.

Mi wantaim Mista Genaia na Allan i go wantaim wanpela senia tisa bilong

Kumbrambi komyuniti skul long lukim ol manmeri, pikinini na ol lapun.

Genaia i tokim ol pipel long wokim ol haus slip bilong ol kwik taim. Em i askim ol tu long kisim sampela kaikai ol i kukim pinis i kam long mipela bikos mipela i no kisim ol selhaus na kaikai yet long Lae.

Ol kwiktait wokim haus bilong ol long kunai na wokim tu paia bilong hatim skin bilong . Long wanem ples ya i kol tru olsem long hailans.

Long samting olsem 5.30 apinin mipela i wokabaut i go long haus bilong tisa long mekim paia bilong hatim skin na hat wara bilong wokim ti long en.

Man, em i kol nogut tru ya na long taim mipela i wokabaut go long haus mipela i lukim graun i bruk go daun long Sewe viles na das i kamap.

"Ha....sore, wai na kain bagarap olsem i

kamap,"? mi ting olsem na wari nogut tru. Mekim na mi ron i go insait long haus bilong tisa.

Mi sindaun arere long paia na smukim wanpela sigaret. Mi no save wanem samting tru bai mi toktok long en.

Long taim tisa i kam insait long haus, em i askim mi sapos mi laikim wanpela kap ti. Mi wantu tasol tok yes long en. Em i wokim ti bilong mipela 4 pela man. Bihain long taim mipela i dring ti pinis, mipela i go long haus na slip.

Kisim taim

Long nait taim kol i kisim mipela gut, mitupela Allan i wok long pulpulim wanpela blanket i go kam long karamap long en.

Long nait tu guria i wok long kamap yet. Wanpela bikpela tru we hevi bilong en inap long 6.2 long Rikta skel i kamap long Fonde moning.

Bihain long apinun bilong Fonde Oktoba

21, mitupela Genaia i kam bek long Gusap na go long Madang long kisim ol plisman na ol medikel opisa i kam long hap.

Long neks de Mista Genaia i salim mi kisim ol plisman na ol medikel opisa go long Mitzing. Bihain long en mipela i ken kisim helikopta na go long Nahu.

Tasol nogat, long Fraide nait bikpela guria i kamap na brukim Nahu ples balus. Jiolosis o man save long stap bilong graun Tim Brown i tok dispela ples i no orait long stap na ol tok long muvim kem i kam long Gusap.

Long taim mi harim tok save olsem long Mutzing, mipela muvim ol samting i kam long Gusap na setim ap kem gen long hap.

Na long hap, mipela i wok long lukautim ol pipel inap long taim gavman i painim narapela hap graun bilong ol i go stap long en. Bikos dispela ples i no moa gutpela.



• Ol hap hap waltpela mak long poto ya i solm ples em ol graun i bruk long sait bilong maunten long hap bilong Moro na Sewe.



• Dispela bikpela we i luk olsem i wait nating em hap em bikpela graun i bruk long ples Sewe. Long dispela taim, tripela pikinini i bin dai long Wara Gusap.

TU MINIT TINGTING OL DUA I SKULIM YUMI

WANTAIM moa yumi laik statim nupela sios yia. Nau em i taim bilong Adven, taim bilong redi long krismas. Wanpela bikpela prea bilong dispela taim em i kam, long Sam 24:7. Em i go olsem: "Yupela ol dua, yupela op bikpela, bai nambawan king i ken go insait."

Oke. Yumi tingting nau long dispela aidia bilong dua na get. Long olgeta de yumi save lukim kain kain dua i tanim long hinsis bilong en. Yumi save lukim dua bilong haus na bilong rum na bilong skul na bilong haus lotu na bilong ka. Yumi save lukim get bilong banis na bilong haus piksa na bilong ples pilai. I gat ol bikpela dua na smolpela dua; i gat ol dua ain na dua diwai na dua waia. I gat dua i gat bilas na dua i gat han tambu. Na ol get tu i wankain tasol.

Olgeta dua o get i gat tupela kain wok. Dua i gat wok bilong

pasim ol samting i stap insait, na bilong pasim rot bilong ol samting i stap ausait. Dua i ken op; o dua i ken pas. Dua em inap kalabusim yumi, na dua em inap haitim yumi. Dua i mas gat ki o lok bilong en.

Orait, nau yumi opim Buk Baibel bilong yumi, na bai yumi painimaut olsem: Baibel i gat tok 77 taims long "dua"; na i gat tok 277 taims long "get". Sampela dispela tok i stap long Nupela Testamen. Nambawan tok tru em i dispela i stap long Jon 1:1-10, we Jisas i tok olsem: "Mi yet mi dua. Sapos wanpela man i kam long mi na i go insait long banis (sipsip), orait, God bai kisim bek em. Na em bai i go insait na i go ausait, na i go i kam na i kisim kaikai." Na long ves 10, Jisas i tok moa olsem: "Mi kam bai ol i ken kisim laip, na bai laip i ken pulap tru long ol." Em nau! Yu go insait long dua bilong

Jisas na bai olgeta gutpela samting i kamap long yu.


Long Matyu 7:13 Jisas i tok piksa long dua olsem: "Yupela i mas go insait long liklik dua. Dua i go long ples bilong lus, em i bikpela; na rot i go long dispela ples bilong lus em i op tumas na i isi long bihainim. Na planti manmeri i save bihainim dispela rot. Tasol dua i go long ples bilong kisim laip, em i liklik tru; na rot i go long dispela gutpela ples em i hat tru long bihainim. Na wanpela wanpela manmeri tasol i save lukim na bihainim dispela rot."

Long Matyu 25:1 Jisas i stori long 10-pela yangpela meri i no holim redi lam bilong ol na ol i tambu long go insait long dua bilong haus we i gat pati bilong marit. Long dispela stori, Jisas i laik skulim yumi olsem: yumi mas redi. Yumi no inap save long wanem taim dua bilong dispela

laip bai pas, na dua bilong neks laip bai op.

Long Revelesen 3:20 (em buk ol i kolim nau "Kamapim Tok Hait") - Jisas i tok save long yumi wan wan olsem: "Lukim! Mi sanap long dua na mi paitim i stap. Sapos wanpela man o meri i harim maus bilog mi na i opim dua, orait, bai mi go insait na bai mi stap wantaim em."

Wanpela saveman i bin laikim tru dispela tok bilong Jisas na em i bin penim wanpela naispela piksa bilong soim em. Em i penim piksa i soim wanpela naispela liklik haus. Jisas i sanap ausait long haus na em i paitim dua. Em i laik go insait long haus. Long taim yu lukim olsem: dua bilong dispela haus i stap long piksa, em i no gat wanpela handel bilong en. Tasol nogut yu ting hariap, dispela em i wanpela asua o mistek. Nogat. Dispela dua i no gat han-



FRANK MIHALIC i raitim

del, bikos em i laik skulim yumi olsem: long taim Jisas i kam paitim dua bilong bel na lewa bilong yumi, em i no save tanim handel na opim dua na go insait. Nogat. Yumi yet i mas tanim handel long insait na opim dua.

Tingim gut dispela skul. Sapos yu laik Jisas i kam insait long bel bilong yu na stap wantaim yu, yu yet yu mas opim dua. Em i wanpela gutpela we bilong redi long Jisas i kam long Krismas.



• Sampela bilong ol lain 500 manmeri husat i bin kamap long bung bilong toktok long ol hevi bilong ol marasin nogut. Dispela bung i bin kamap long ples Simbang insait long Morobe provins long mun Oktoba, 1993.

Ol pipel i kisim skul long kibung

SANANG ZAZORING i raitim

SAMTING olsem 500 pipel i bin kamap long wanpela kibung long ples Simbang, Morobe provins long las mun. Dispela kibung i bilong toktok long ol hevi em ol marasin nogut olsem spakbrus na strongpela dring i kamapim.

I bin gat 122 deliget bilong Fisika rijen na ol pipel bilong Simbang i bin stap insait long ispela kibung. Opis bilong alkohol na drag insait long Ivenjelikal Luteran Sios i bin go pas long dispela kibung.

Man i go pas, Pasto Joshua Daniel i tok em i namba wan taim dispea kain kibung i kamap long hap bilong Simbang.

Pasto Daniel i tok ol pipel bilong Simbang wantaim ol wokman bilong gavman long Gagidu stesin na ol wokman bilong Butaweng helt senta i wok bung na mekim dispela kibung i kamap gut. As bilong dispela kibung em long

skulim ol pipel long ol kain kain hevi dispela tupela samting i save kamapim. Ol pipel i harim toktok long ol hevi em ol narapela kantri long wol i painim tu.

I bin gat tupela woda tu i stap wantaim ol long dispela kibung. Long taim tupela i go bek, bai ol i helpim ol kalabus husat i gat dispela hevi.

I gat tu baibel stadi na sampela drama i kamap. Stori i sut long ol wanem samting o pipel i ken mekim long kisim bek manmeri i huk pinis long pawa bilong alkohol na drag.

Distrik sevis long Gagidu i bin givim transpot long karim ol lain i go long kibung. Ol i bin givim kaikai na pawa na ol arapela samting.

Hanns Seidel Foundation i bin givim K600 long wok bilong kamapim dispela kibung.

• Ol manmeri husat i bin stap insait long dispela kibung long Simbang.

Sios i wari long ol yut bilong Bogenvil

ALOYSIUS SAMI i raitim

INSAIT long wanpela rijonal Yunaited Sios konprens long Buka long pinis bilong mun Oktoba, ol memba i askim gavman long lukluk moa long helpim ol yut bilong provins.

Ol memba i luksave olsem bikpela hevi i stap wantaim long ol yangpela man. Na ol laikim gavman i yusim gut mani bilong mekim ol wok long stretim ol samting long Bogenvil.

Bung ya i bin kamap long Petats Ailan insait long wes kos Buka. Planti ol memba bilong Buka Yunaited Sios wantaim ol lain bikman bilong sios husat i makim Siwai, Wakunai, Hahon na Keriaka i bin stap insait long dispela bung.

Minista Joel Lempo bilong Saut Bogenvil Kaunsil ov Sios i bin go pas long dispela bung. Em i tokim ol memba long konprens olsem bikpela tingting bilong ol long bung wantaim em i bilong painim rot long stretim ol sampela bel hevi i kamap long insait

sios. Na wanem rot sios i ken bihainim long helpim ol pipel.

Pasto Lempo i singaut strong long ol manmeri long tanim bel na wok-abaut long stretpela kristen pasin.

Long dispela taim tu, hevi long pasin bilong kamapim na dringim strongpela dring ol wokim yet long ples wantaim wara bilong kulau, banana, painapel, suga na ol arapela samting moa i wok long go bikpela long planti hap bilong Bogenvil.

Ol bikman bilong sios long dispela konprens i bin lukluk tu long dispela hevi. Na ol i laikim ol siefs wantaim ol bikman long ples i mekim samting long daunim dispela hevi.

Long wankain taim tu, ol pipel bilong Petats Ailan i bin salim ol samting long helpim ol meri long hap. Mani ol i kisim bai i go long helpim ol long wok bilong ol.

Ol i bin salim ol kain samting olsem pul bilong kanu, mat, basket, wantaim ol kain kaikai na abus bilong ples yet.



Kisim pepa...Memba bilong Wewak, Bernard Narakobi long raitan i givim setifiket pepa long dispela OLSH sister husat i bin stap insait long kos bilong Leadership & Conflict Resolution Inap long 12-pela wik. Foto: Ivan Bayagau.

Pait i kamap yet long Sri Lanka

LONG Colombo, Sri Lanka ol sekyuriti fos i kamapim pinis wanpela bikpela operesen long traime helpim ol soldia husat i stap long wanpela ami bes long noten Sri Lanka.

Oi Tamil Tiger pait man i bin go long dispela ami bes na kilim samting olsem 200 soldia. Wanpela ami opisal i tok dispela em i wanpela bikpela pait tru ol Tamil pait man i wokim wantaim ami bilong Sri Lanka.

Gavman i salim pinis ol top soldia long go long hap na traime helpim ol wan wok bilong ol husat i stap yet long hap. Oi Tamil pait man i bin go long dispela ami bes long bagarapim ol samting bilong nevi em i stap long noten Sri Lanka. Dispela em i wanpela bikpela bagarap tru ami bilong Sri Lanka i bungim.

"Oi komandos i go pinis long hap. Oi i no inap yusim balus na helikopta long go long hap bikos pait i wok long stap yet. Tupela wantaim i stap klostu na wok long yusim ol samting bilong pait olsem moto, grened. Tasol mipela bai yusim olgeta samting mipela i gat long traime savim sampela ol lain husat i stap laip yet," wanpela opisal i tok.

Tamil gorila pait man i bin yusim ol moto, roket grened na ol gan long sutim ol lain i stap long ami bes. Long dispela pait 200 soldia i bin dai taim samting olsem 50 Tamil gorila pait man i bin dai.


Oi opisal i tok dispela em i wanpela bikpela bagarap ami i bungim stat long taim pait namel long ol gavman ami na Tamil pait man i stat long 1972.

Gavman i bin salim ol ami i go long hap long traime blokim ol rot em ol pait man i save yusim. Dispela hap em i wanpela ples LTTE i yusim olsem as graun bilong ol. LTTE i pait long kisim independens bilong ol yet. Oi i gat samting olsem 2 milien pipel long hap.

AFP



• I gat trabel i wok long kamap nau long hap bilong Georgia, Rasia. Poto antap i soim wanpela soldia i karim bosu bilong wanpela poro bilong em i go. Pait i kamap long hap bilong Abkhasia. Na long raithan em lida bilong ol lain Georgia, Shevardnadze.



Jemani i skelim yet

TINGTING bilong Jemani long kisim tok orait long go stap long wanpela bikpela amamas long D-Day long neks yia i no bin kamap gut tumas.

Dispela samting i bin kamapim planti tok kros namel long ol bikman bilong Jemani. Hetman bilong ol, Dr Kohl i bin toktok long lukluk ken long histori bilong German.

Dr Kohl wantaim kendidet bilong em husat bai resis long sit bilong presiden Dr Steffen Heitmann i tok olsem dispela i taim nau bilong Jemani long stap wankain olsem ol lain kantri husat i bin winim ol long bikpela pait long Wol Woa 11.

Dispela ol kantri em ol i stap klostu long Jemani we Jemani i bin bagarapim ol long taim bilong woa na nau ol dispela kantri i poro wantaim Jemani Sapos kantri olsem German i lukluk bek long samting bilong bipo ol arapela kantri husat i wok bung wantaim ol bai kisim hevi tu.

Frens i bin askim Jemani long kamap long amamas bilong D-Day. Dispela bikpela amamas bai kamap long Jun 6, 1993.


Taim gavman bilong Frens i senis long mun Mas dispela i bin givim gutpela amamas long ol pipel bilong Jemani. Tasol dispela i no kamap gut na Bonn i les.

• Briten i no amamas long Jemani long stap insait long dispela selebresen. Tasol opis bilong Dr Kohl i tok ol i lukim dispela samting olsem namba wan wari.

Ol lain husat bai kamap long dispela amamas em Kwin, Presiden Clinton na Presiden bilong Poland, Walesa na mista Mitterrand presiden bilong Frens.



• Planti kantri long Afrika i olsem Papua Niugini we ol pipel long ples i mas tuhat long brukim graun na planim kalkal.



• Long Kantri Gana long Afrika, i gat bikpela wok tru bilong wokim laplap na ol rop tu. Dispela bisnis i bringim kami i kam insait long kantri bilong ol.

THE NATIONAL

gives you the choice of...

- * *Brighter, . . . more colourful pages!*
- * *Better in-depth reporting!*
- * *More news . . . more information!*
- * *More to interest everyone!*

THERE is now a new paper in Papua New Guinea - "The National".

It is a newspaper that reflects the national interests of our country, as the masthead, in the colours of the national flag, demonstrates.

With the new paper you now have an alternative and a choice... a more balanced diet of news about our country and ourselves.

"The National" is a bright and active paper, with many pages presented in colour. Get "The National" now!



A bold new paper for PNG

THERE is now a new paper in Papua New Guinea — The National. It will be a newspaper to reflect the interests of our country, as the



Oi Beatles krungutim PNG

WANPELA pawa ben bilong Australia oi i kolim Australian Beatles i kamap pinis long Papua Niugini na i wok long pilai raun i stap.

Australian Beatles i gat 4-pela ben memba ol dispela lain em Conrad Galanos, Andrew Hill, John McFadney

na Mike Hagve. Dis-pela ol lain i bin kam long PNG long Novemba 3, 1993.

Taim ol i kam long Mosbi ol i bin pilai long Mosbi na long las Sarere ol i bin go pilai long Madang. Long dispela wiken ol bai go pilai long Rabaul long

wanpela konset em Pasifik Gol Studio i go pas long kamapim. Dispela konset ol i kolim "Wan kantri konset."

Long dispela konset bai i gat ol kain biknem ben long Rabaul olsem Barike, Painim Wok na ol arapela ben bai

kamap na pilai. Pas-taim long dispela konset bilong Wan Kantri. Beatles bai pilai long wanpela pati long Rabaul Golf klap. Rabaul golf klap i askim ol long pilai.

Dispela i no namba wan taim Beatles i kam long PNG. Long las yia ol i bin wokim namba wan raun bilong ol i kam long PNG na long dispela taim tu ol i bin rekotim wanpela kaset wantaim Pasifik Gol Studio.

Pastaim long ol i kam long PNG long mun Novemba long disela yia ol i bin go raun pilai long Korea long taim bilong Expo. Beatels i wokim planti raun pinis long ol kantri long Asia. Ol i bin go pilai tu long Kanada.

Ben bilong Australian Beatles i bin stat samting olsem 6-pela yia i go pinis na ol i wok long pilai raun yet. Tasol man i go pas long ol, Andrew Hill i tok sampela ben memba i lusim ol na ol i kisim ol nupela memba ken long piali wantaim ol.

Bikpela tok amamas bilong ol ben memba i go long Greg Seeto bilong Pasifik Gol Studio husat i mekim gut-pela wok tru long kisim ben i kam pilai long PNG. Ol i givim tok amamas i go tu long ol lain husat i sapotim ol na ol lain husat i save laikim singsing bilong ol.



• Oi Beatles bilong Australia




Pawa bilong kangal...Wanpis brata ya i apim stret kumul bilong em na soim long ol manmeri na pikinini husat i kamap long bikpela bungwik bilong Asbisop Leo Arkfeld long Wewak. Ol singsing grup i bin kamautim stret olgeta stail bilong ol long las de bilong dispela wan wik bilong amamas.

Poto: Francis Uliau.



• Oi yangpela bilong Vokeo na Koil ailan i soim ol tropi em ol pipel bilong Vokeo, Koil, Wei, Ruprup, Kadawar na Boem bai resis long winim. *Poto na stori: Philip Julius.*



• Kodineta bilong Suten Aillans spot tonamen, Simon Yanum i soim bikpela tropi bilong soka resis bilong ol man.

Oi Suten ailan bai bung na pilai long Desemba

OL PIPEL bilong Suten Ailan Grup long Is Sepik bai holim wanpela bikpela pilai resis long Krismas. Dispela bikpela pilai resis ol i kolim Suten Aillans Spots Tonamen.

Dispela ol ailan em long; Vokeo, Koil, Wei,

Ruprup, Kadawar na Boem. Ol i stap ausait tasol long Wewak na Is Sepik Provinsal gavman yet i save lukautim.

Bai moa long 300 manmeri bai bung long Koil ailan long dispela bikpela resis. Ol man

bai resis long pilai soka na ol meri bai resis long pilai basketbol.

As tingting bilong dispela pilai, i bilong olgeta pipel bilong Suten Ailan wantaim na amamas long pilai.

Bai gat 12 soka tim na 14 basketbol tim.

Tim i winim soka resis bai kisim Suten Ailan Soka Tropi. Na tim i winim basketbol resis bai kisim Suten Ailan Basketbol Tropi. Bai gat prais tu bilong ol arapela tim na pilaia.

Dispela bai namba wan taim tru wanpela

bikpela kain pilai resis bai kamap long Suten Ailan. Dispela 6-pela ailan bai kamap long pilai resis, Vokeo i gat bikpela namba long pilai resis. Ol i redi pinis 8 tim; 4 soka na 4 basketbol na 128 manmeri olgeta. Boem i

redi pinis 4 tim, Kadawar 2 tim, Ruprup 2 tim, Wei 1 tim na Koil 6 tim.

Dispela pilai resis i bilong ol manmeri i save stap long ples tasol. Ol Suten Ailan i save stap long taun bai no inap makim

wanpela tim long pilai. Tasol planti bilong ol bai stap long ples long Krismas long lukim dispela pilai.

Ol pipel bilong Suten Ailan yet i amamas na sapotim dispela pilai resis.

Pasindia sip no haus pamuk

Dia Edita,
Mi wanpela hapkas Sepik na Simbu. Tasol nau mi stap long Kimbe long Wes Nu Briten provins.
Mi laik autim bel kros bilong mi i go long ol boskru na kepten long pasin pasindia sip. Ol i save ol pasindia sip olsem pamuk haus bilong ol.
Planti long mipela ol pasindia i lukim dispela kain pasin yupela ol boskru na kepten i save mekim.
No ken ting olsem sip em i haus pamuk bilong yupela ol boskru na kepten. Long dispela as tasol na MV Kris i bin go daun long bik solwara long mun Ogas bilong dispela yia.
Baibel i tok pe bilong sin em dai tasol.
Orait, husat brata o susa i laik sapatim o egen-sim mi, rait i kam tasol long *Wantok Niuspepa*.

Graham Michael, KIMBE.

LAIKIM PENPREN

Nem: Willie Magasim
Krismas: 21
Adres: Skul Bilong Stuakipa, Business Training Centre. P O Box 330, Wewak
Save Laikim: Tok pilai, pilai volibol, harim musik na lukim Televisen.

Nem: George Sikhill
Krismas: 23
Adres: Bora Section, Ramu Sugar Ltd, P O Box 2183, Gusap, Lae.
Save Laikim: Lukim Televisen, harim musik, pilai ol gems, lotu na raitim pas long ol pren.

Olgeta sios i mas wokbung No ken krosim ol sikmanmeri

Dia Edita
Mi nogat planti toktok long mekim. Mi laik autim tasol wanpela liklik wari bilong mi.
Yes, wari bilong mi i go olsem tude planti manmeri i wok long komplem long kain kain sios i wok long kam insait long kantri bilong yumi Papua Niugini. Dispela ol manmeri i tok olsem dispela ol nupela sios em ol giaman profet. Na tu i no kam long mekim stret-pela na trupela wok bilong Bikpela Papa God. Ol i kam tasol long giamanim ol Kristen manmeri.
Bihainim dispela komplem, mi laik tok olsem dispela kain pasin long bagarapim ol nupela sios i no gutpela tumas. Bikos yumi olgeta manmeri long dispela graun i no klinpela lain. Mipela olgeta i sin manmeri. Long dispela as, mipela i nogat rait na pawa long sasim nating wanpela

arapela man, meri o sios. Mipela i no ken lukim tasol wanem samting wanpela nupela sios i mekim na mipela i hariap long opim maus bilong mipela na tok dispela sios em i wanpela giaman sios o giaman profet.
Olgeta sios insait long kantri-nupela na olupela, i mas wokbung wantaim long karim aut wok bilong God. Olgeta i mas wok wantaim na helpim wanpela na arapela long lukim olsem wok bilong Bikpela i kamap na ran gut long kantri.
Narapela samting i olsem kantri bilong yumi i gat bikpela hevi bilong lo na oda. Olsem na em i moa gutpela long ol nupela sios i kam na traim helpim ol olupela sios long wokim planti manmeri i kamap Kristen. Bikos long dispela rot i hevi bilong lo na oda bai go daun.

Narapela samting ken i olsem em i laik bilong wan wan man o meri long skelim na bihainim wanem sios em i gat laik long kamap olsem memba. Bikos mama lo bilong kantri bilong yumi i tok wan wan man o meri i gat rait long stap memba bilong wanem sios em i gat laik.
Mipela ol Kristen brata na susa bilong ol olupela sios insait long kantri i mas wanbel long ol nupela sios. Bikos ol i kam long telemautim Gutnius bilong Papa God. Ol i no kam long autim tok bilong satan. Yumi no ken kisim wok bilong sasim ol manmeri na sios long han bilong God. Larim dispela wok i stap long han bilong Papa God. I gat taim i stap we em yet bai go het na mekim dispela wok.

Billip Tasol Hoks Wan, MOSBI

Dia Edita,
Mi wanpela manki long Telefomin distrik long Sandaun provins. Mi laik toktok long wanem samting mi bin go raun long Tabubil na lukim.
Taim mi go na stap long Tabubil, mi lukim olsem ol wokman na meri long haus sik i save krosim ol manmeri na pikinini husat i gat ol bikpela sua. Taim ol i save go long haus sik long kisim sut na marasin, ol wokman na meri bilong haus sik i save hatim ol nogut tru. Na bihain ol i save givim ol sut, marasin o pasim sua bilong ol.
Dispela lain i save mekim kain kain toktok long ol manmeri. Sampela toktok ol i save yusim em: Yu waswas tu o nogat? Yu bilong we? Yu save kukim gutpela kaikai na kaikai o nogat? Maski long spenim mani long bia tasol.
Kain toktok tasol na planti i save lusim haus sik na go bek long haus. Bikos ol i pilim

sem long ai bilong ol arapela manmeri. Sampela taim ol i save ting olsem haus sik em i bilong ol klinpela manmeri tasol.
Ol wokman na meri bilong haus sik i mas save olsem ol i wok long stretim ol sikmanmeri na pikinini. Gavman i baim ol long olgeta potnait long helpim ol sikmanmeri na pikinini. Olsem na ol i no ken komplem o krosim ol sikmanmeri na pikinini.
Narapela bikpela samting i olsem ol i laik helpim ol sikmanmeri na pikinini na ol i kamap olsem nes, sista, dokta o et pos odali. Bikos long dispela, ol i mas mekim wok bilong ol wantaim gutpela pasin bilong wanbel na bel isi. Sapos ol i nogat dispela kain gutpela tingting, ol sikmanmeri na pikinini bai kisim helpim long wanem hap tru?
Totobin Baran TABUBIL

Olgeta manmeri bai lukim Heven

Dia Edita,
Mi wanpela manki asples bilong Kiunga long Westen provins. Mi laik autim hevi bilong mi long ol Kristen manmeri bilong Kiunga taun.
Mi save tingting planti long askim bilong mi yet i go long olgeta sios na ol wok manmeri bilong ol insait long PNG.
Orait, ol sios i tok olsem man i save kamap Kristen na tanim bel tasol bai i lukim Heven. Na man i no kamap Kristen na tu i no tanim bel, em bai i no inap long lukim Heven.
Tasol mi yet i no bilip long dispela toktok bilong ol sios. Mi bilip olsem yumi olgeta manmeri long dispela graun bai lukim Heven. Bilong

wanem papamama i bin karim yumi na nau yumi kamap olsem manmeri na pikinini bilong God.
Yumi olgeta i mas save olsem buk Baibel i no tok stret. Buk Baibel i gat planti tok piksa na planti tok hait. Buk Baibel i tok olsem yu wok manmeri bilong sios i no ken skruim ol toktok long tingting bilong yu yet. Na tokaut long ol manmeri husat i no save ritim buk Baibel.
Sapos yu husat manmeri i lukim pas bilong mi, yu ken opim buk Baibel long Hibrui 6: 1-3. Yumi mas save gut long mining bilong baptais. I gat planti mining bilong baptais na hap tok ya long tanim bel. Mi tok olsem long yumi olgeta man bai lukim Heven bikos Jisas i bin tok bokis na tok

olsem sapos man i no kamap nupela gen, bai yu no inap long lukim kingdom bilong God.
Jisas i tok moa long tok bokis o tok hait olsem samting bodi i kamapim em i bilong bodi. Na samting we Holu Spirit i kamapim em i holi.
Olsem na yumi olgeta i mas save gut long dispela tok bokis bilong Jisas. Opim buk Baibel bilong yu long Jon saptu 3: 1-14.
Narapela askim gen i go long olgeta sios na ol Kristen manmeri long kantri. Watpo na ol Kristen meri i save kisim famili plening marasin na sut bilong pasim bel long no ken karim pikinini?
Mi ting dispela pasin i no gutpela. Bikos buk Baibel i tok

blesing o presen bilong God i no ken lus nating long pamuk pasin na long dispela kain pasin bilong stapim pikinini long sut na marasin.
Long hia long Kiunga i gat planti mama husat i kisim marasin bilong stapim pikinini. Na mi no wanbel tru long lukim dispela samting. Dispela em i bagarapim presen bilong God.
Buk Baibel i no tok olsem yupela papamama na ol yangpela meri i mas kisim marasin long pasim pikinini i kamap long dispela graun. Na tu buk Baibel i tok olsem pasin pamuk i tambu. Tasol mi yet i bilip olsem em i no tambu.

Ruben Ondak, KIUNGA.

Pikinini no bilong givim nabaut

Dia Edita,
Mi laik autim sampela toktok i go long ol meri husat i no marit. Tasol ol i save kisim pikinini taim ol i paul raun wantaim ol man. Taim ol i karim pikinini, ol i save givim pikinini i go long ol arapela manmeri long lukautim. Nogat, ol marit husat i nogat pikinini i save adoptim pikinini bilong ol.
Long tingting na luk-save bilong mi, dispela kain pasin i no gutpela tumas. Bikos pikinini em i no wanpela samting nating em mipela i

ken spenim mani long kisim long maket o long stua. Nogat. Pikinini em i wanpela bikpela presen tru i kam yet long han bilong Bikpela Papa God long Heven. Olsem na wanpela man na meri husat i kamapim dispela pikinini yet i mas lukautim.
Taim wanpela meri i karim pikinini na givim i go long ol arapela manmeri long lukautim, em bai pilim olsem em i nogat hevi long skin bilong em. Em nau em bai go het na mekim wankain pasin gen long paul raun wantaim ol man. Na i no long-taim em bai i gat bel gen.

Yupla ol yangpela meri i mas traim na stap isi wantaim papamama. Na harim gutpela skul bilong papamama. Taim bilong yu wanpela yangpela meri long karim pikinini em taim yu maritim wanpela man na yu stap wantaim em.

Dispela em i no wanpela nupela hevi. Planti yangpela meri long Papua Niugini i bungim pinis dispela hevi. Tasol long painim gutpela sindaun long bihain taim, mi askim yupela ol yangpela meri long lukautim gut wokabaut na singel laip bilong yupela.

W. Jack KIMBE

No ken daunim ol Tolai musikman

Dia Edita,
Mipela i laik bekim pas bilong Dixon Augustine i bin kamap long Wantok Niuspepa long Septemba 23 long dispela yia.
Long pas bilong em, em i bin tok olsem ol Tolai i save singsing tumas long ol meri.
Brata, mipela i laik toksave long yu olsem yu no ken daunim nem bilong mipela ol Tolai. Na tok olsem ol man Tolai em ol meri pes.
Mipela i laik tok klia long yu olsem ol man Tolai i no save komposim nating singsing long ol meri. Nogat tru ya. Ol meri yet i save hatim bel bilong ol na ol i save komposim singsing na singim. Ol meri i save prenim ol na bihain lusim ol na prenim arapela man

gen. Olsem na ol i save komposim singsing long ol meri.
Yu bin tok tu olsem ol Tolai i save singsing tasol long tokples bilong ol. Em i laik bilong mipela ol Tolai. Wanem yu harim singsing long tokples na graun bai tanim? Olsem tok bilong tok. Yu yet i ken skelim.
Ol singsing ol musikman bilong Tolai i save komposim i save toktok long kain kain pasin ol meri i save wokim. Na wanem kain hevi i save

kamap bihainim dispela ol samting ol i save wokim.
Yu mas save olsem tokples em i bun bilong wan wan provins na ples. Mipela i save long tokples pastaim long mipela i save long tok Inglis na tok Pisin.
Mipela i nogat kros long yu. Tasol mipela i laikim yu long luksave long kain kain stail na we bilong wokim musik.
Tolai Girls KIMBE

Husat i laik salim pas i kam long Edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982, Boroko, NCD.

Jisas i kam long inapim lo

Dia Edita,
Mi bekim pas bilong Emmanuel Tiragal i bin kamap long *Wantok Niuspepa* bilong Epril 15 long dispela yia.
Brata ya i bekim pas bilong Goya Huli husat i bin rait i kam long dispela niuspepa long Epril 8. Mi wanbel wantaim pas bilong Goya.
Long bekim pas bilong Goya Huli, Emmanuel i tok ol bilip manmeri tasol bai i go long Heven.
Olsem wanem, yumi lusim lo bilong God na bilip tasol long Jisas? Taim Jisas i kam long dispela graun em pinisim lo na tokim mipela long bilip tasol.
Jisas i no kam pinisim lo bilong God. Tasol em i kam long inapim lo. Lukim Matyu 5:17. Na sapos yumi bilip

long Jisas, orait yumi mas bihainim lo bilong em. Baibel i tokim yumi dispela samting long Jon 14: 15.
Na sapos yumi bilip tasol o lusim lo bilong

God, yumi no inap go long Heven tu. Tupela em ki bilong opim dua bilong Heven. Tingim dispela.
Nobert Nane, MENDI.

Rausim ID kat sistem

Dia Edita,
Yes, mi wanpela manki Goroka na mi stap long Lae. Mi laik sapatim wanpela pas i bin kamap long Wantok Niuspepa bilong Septemba 2. Na pas ya i egensim tingting bilong Asbisop Sir Peter Kurongku husat i laikim pasin bilong kamapim ID kad sistem insait long kantri. Asbisop i ting olsem ID kad sistem bai daunim pasinraskol na ol arapela hevi we yumi gat nau long kantri.
Mi tu mi wanpela man husat i no laikim pasin bilong kamapim ID kad sistem long kantri. Sistem ya bai no inap long wok gut. Bikos em i no inap long daunim pasinraskol long kantri. Mi ting sistem ya bai kamapim moa hevi long pasinraskol na ol kain kain trabel moa.
Gavman i mas tingting long kamapim sampela wok developmen long ol rurel eria.
Hapa Dimilu, Goroka,

Kutubu wel projek no kamapim developmen

Dia Edita,
Mi wanpela manki Mendi tasol mi stap long Kundiawa taun. Mi laik sapotim pas bilong Robert Percy i bin kamap long *Wantok Niuspepa*. Em i mekim sampela toktok long Kutubu Wel projek long Sauten Hailans provins.
Tru tumas brata, mi sapotim yu bikos mipela ol asples pipel i no lukim wanpela han mak bilong dispela Kutubu wel kampani.
Tru Sauten Hailans i gat nem long gol na wel. Tasol nem bilong

Sauten Hailans i nating tru. Nogat gutpela wok developmen i kamap long hap bilong mipela.
Yupela ol memba bilong mipela long nesenel palamen i mas tingim komplek bilong mipela na mekim samting long helpim ol pipel bilong yupela. No ken sindaun nating olsem ol meri husat i gat bel. Em i wok bilong yupela long harim singaut bilong ol pipel husat i ilektim yupela long sanap makim ol long gavman.
Joe Lupi Lowa, MENDI

Mi painim ol kasen bilong mi


Dia Edita
Nem bilong mi Susana Fering. Mi laik painim ol pikinini bilong ankol bilong mi.
Yes, pikinini bilong ankol bilong mi i bin liklik yet na i go stap long Nu Ailan provins. Em i stap long Nu Ailan provins i go na em i marit na i gat ol pikinini. Em i no kam kamap long ples. Nogat tru stret. Em i stap long hap i go inap em i dai. Olsem na ol pikinini bilong em i no save long mipela ol kasen na ol arapela famili memba bilong ol.

Nem bilong ankol bilong mi em Wanginea. Em i bilong ples Kwaien long hap bilong Wes Yangoru long Is Sepik provins. Long nau yet, mi wantaim famili bilong mi i gat bikpela wari tru. Bikos ankol i dai na ol pikinini bilong em i no save long mipela.
Olsem na mipela i laik askim husat ol man Yangoru o Sepik i stap long Nu Ailan provins long helpim mipela. Sapos wanpela man o meri i gat save long ol pikinini bilong ankol ya orait i ken raitim pas i

kam-na toksave. Nogat orait i ken tokim ol long raitim pas i kamana toksave long mipela olsem ol i stap.
Adres bilong mi em: Sussana Fering, C / - R o s e l y n Wrakuavia Division of Works, BMS Free Mail Bag, Wewak, ESP.
Mipela bai i gat bikpela amamas long husat man o meri i helpim mipela long painim ol kasen bilong mipela.

LAIKIM PENPREN

- Nem:** Benny F Wosu
Krismas: 19
Adres: C/- CM Mukili, P O Nuku, Sandaun Province
Save Laikim: Pilai gita, harim musik, ritim buk na raun wantaim ol pren.
- Nem:** Elias Jeffrey Gedi
Krismas: 18
Adres: C/- Tetoy Security Service, P O Box 939, Wewak.
Save Laikim: Tokpilai, harim musik na raun wantaim ol wantok.
- Nem:** Taitu Kara
Krismas: 18
Adres: C/- Nick Biko, Garamut Enterprise, P O Box 96, Wewak.
Save Laikim: Pilai spot, raun wantaim ol pren na harim musik.
- Nem:** Tony Ho-won
Krismas: 20
Adres: C/- Emil Lowi, P O Box 701, Wewak.
Save Laikim: Raitim pas, waswas long solwara na lukim vidio.
- Nem:** Josephine Singat
Krismas: 15
Adres: Kokopo High School, P O Box 140, Rabaul ENBP.
Save Laikim: Pilai ol gems, raitim pas na tok pilai.
- Nem:** Julie Pohakui
Krismas: 18
Adres: Horan Village, Lorangau, Manus Province
Save Laikim: Pilai volibal na soka na harim musik.
- Nem:** Rachel Michael
Krismas: 14
Adres: Holy Spirit Community School, P O Box 112, Madang.
Save Laikim: Raitim pas, stori, pilai volibal, waswas na harim musik.
- Nem:** Everlyn K Brook-Zie
Krismas: 18
Adres: Brandi High School, P O Box 180, Wewak ESP.
Save laikim: Pilai ol bal gems, waswas long solwara, lukim TV, harim musik, tok pilai na raun lukim ples.



Nogat developmen long Tari/Pori eria Ol anaunsa bilong Redio Morobe i no wansait

Dia Edita,
Mi stap long ples Heta-mari namel long konstituensi bilong Tari na Pori insait long Sauten Hailans provins.
Long yia 1982 i kam inap nau, nogat wanpela gutpela developmen projek i kamap long hap bilong mipela.
Ol rot na bris i bagarap olgeta nau. Wok bisnis i pundaun na mipela i go bek long

pasin tumbuna bilong mipela long taim bipo.
Nau mipela i laikim nesenel memba bilong mipela long opim maus na helpim ol pipel bilong em. Tu mi laik save sapos gavman i givim pinis mani bilong ilektrol developmen fan i go long memba bilong mipela.
Sapos memba i kisim pinis mani, em i mas tok klia long wanem ol

wok projek tru em i yusim mani long en. Mipela ol pipel bilong ilektret bilong em i no lukim yet han mak bilong dispela mani.
Mipela ol pipel bilong Tari na Pori i singaut nau long wanpela opisa bilong Ombudsmen Komisen i mekim ol wok painimaut long dispela samting.
A.K, MENDI

Dia Edita
Mi laik bekim pas bilong Keoka K em i bin kamap long *Wantok Niuspepa*. Long pas bilong em, Keoka i bin komplek long tumbuna singsing bilong Finsafen na Kabwum tasol i save kamap long Redio Morobe.
Mi wanpela meri long ples Kabwum. Tasol nau mi stap long Maun Hagen. Mi no bin ama-

mas taim mi ritim pas bilong Keoka na em i tok olsem ol kokros bilong Kabwum na Finsafen long pinisim tumbuna singsing bilong ol arapela ples.
Mista Keoka, mi laik tokim yu stret olsem ol anaunsa bilong Redio

Morobe i no save pilaim ol tumbuna singsing bilong Kabwum na Finsafen long laik na tingting bilong ol. Nogat tru ya. Ol i save bihainim laik na tingting bilong ol husat i save askim ol long pilaim. Ol manmeri i save raitim pas na askim ol anaunsa long pilaim ol tumbuna singsing bilong Kabwum na Finsafen. Em nau ol anaunsa i save pilaim dispela ol tumbuna singsing. No ken ting olsem ol anaunsa i save mekim nating long laik bilong ol.
Brata, sapos yu laikim



ol anaunsa long pilaim tumbuna singsing bilong ples o eria bilong yu, orait yu mas rait pas na askim ol long pilaim. Nogut yu stap tasol na ting olsem ol anaunsa bilong Redio Morobe i wokim pasin bilong Wantok Sistem.

Florie Geana MAUN HAGEN

No ken daunim Baptis sios

Dia Edita
Mi bilong Bulolo long hap bilong Morobe provins. Mi no bin amamas taim mi ritim pas bilong tupela brata ya Jacob Lucas na Jim Joseph long *Wantok Niuspepa*.
Pas bilong Jacob i bin kamap long *Wantok Niuspepa* long Jun 17 na pas bilong Jim i bin kamap long Oktoba 7.
Tupela brata ya wantaim i bin tok long pas bilong tupela olsem pasin pamuk i stap long Baptis sios.
Long bekim pas bilong tupela mi laik tok olsem mi no save tupela i komplek long wanpela man tasol o olgeta sios long kantri. Bikos tupela i kolim Baptis sios.
Tupela brata ya i memba long-wanpela sios o nogat. Tupela i no bin tokaut long nem bilong sios bilong tupela. Na bai mi ken skelim na tok em i tru olsem sios bilong yutupela i wanpela gutpela na stretpela sios.
Tupela brata bilong mi, long lukluk bilong mi na tu

long bilip bilong mi long Baibel, Romans 3:16 i tok olsem nogat wanpela stretpela man i stap long dispela graun.
Bihainim dispela hap tok i stap long buk Baibel, mi laik tokim tupela brata ya olsem em i no wanpela gutpela pasin long sutim nating tok long wanpela sios. Na tok olsem pasin pamuk i stap long dispela sios. Mi laik tokim yutupela olsem sios bilong yutupela em meri. Bilip bilong yutupela i stap long meri. Long lukluk bilong mi taim mi ritim pas bilong yutupela, mi ken tok olsem yutupela wantaim i nogat wanpela sios.
Long pinisim toktok bilong mi, mi laik tok olsem mi gat bikpela amamas long Papa God i putim kain kain sios long dispela graun. Bikos olgeta sios bai wokim wok bilong em i kamap bikpela moa.

A. Nangan Boroko, NCD

Tok Save i go long ol man i save salim pas long Wantok Sapos yu no putim nem tru bilong yu long pas mipela i no inap prinim leta bilong yu

Stes i na 2 long Lae siti nogat wara

Dia Edita,
Mi wanpela manki Pindiu na nau mi stap long Lae siti. Askim bilong mi i go long edministresen bilong Morobe sapos ol inap lukluk long hevi bilong mipela.
Mipela long Stes 1 na 2 eria insait long Ten siti long Lae i save gat hevi long wara. Ol narapela hap olsem

Stes 3 na 4 i orait. Bikos ol i save kisim wara long olgeta taim. Tasol mipela sampela ya i save kisim taim nogut stret.
Mipela i laikim Lae provinsal edministresen i lukluk long hevi bilong mipela na givim sampela helpim i kam kwiktaim.
Westap memba bilong mipela long Lae

Wes insait long saspended Lae provinsal gavman? Man ya em Elahawo Mario. Inap yu sanap na tok-tok wantaim edministresen bilong saspended Morobe gavman na bai ol pipel i ken kisim helpim long dispela samting.
Nelson David, Lae



Lek pas long baksait... Ol lain pipel bilong ples Hainiak long Wewak, Is Sepik provins i brukim stret skru na hatim singsing long las de bilong amamasim Golden Jubili bilong Asbisop Leo Arkfeld long Sen Mary's komyuniti skol. Taim bilong amamas i bin stap inap long klostu wanpela wik olgeta. Bikpela lain manmeri na pikinini long olgeta hap bilong PNG i kamap long lukim ol singsing tumbuna, drama pilai, na bung wantaim long lotu.

Wokmeri program i kamap strong



• Ol lain memba bilong Keregia Luteran Wokmeri i soim kain wokbung pasim wanbel em ol i save strongim oltaim long wok bilong ol. Dispela i kamap long taim bilong kukim kakaik, sindaun kakaik, paitim toktok na kamapim ol kain kain wok program bilong ol.

WOKMERI program bilong Luteran sios bai kamap strong sapos man i sapotim ol meri long wok bilong ol. Misis Masio Hasawi, hetmeri bilong Kerowagi Women's Asosiesen i mekim dispela tok long kibung bilong Satelbeg seket long Morobe provins.

Narapela man, Mista Dei Ayangau tu i mekim wankain tok. Mista Dei em i wanpela man husat i save helpim ol meri long wok bilong ol na em i sapotim meri bilong em long program bilong ol insait long Keregia Luteran sios.

Keregia Luteran wokmeri i save wok wantaim Morobe wimens asosiesen long kirapim kain kain wok bilong ol. Lida bilong Keregia Misis Masio Hasawi i toktok long planti samting ol meri i mas mekim long strongim wokmeri insait long ples ha strongim wok bilong sios.

Dispela ol wokmeri i save mekim wok bilong sios wantaim ol tarangu na ol lapun manmeri long ples.

Keregia wokmeri i sanap em yet bihain long em i lusim Wareo long 1974. Wokmeri grup i save mekim wok bilong sios na gavman tu. Orait, long wok bilong gavman, ol i save kisim helpim i kam long Morobe Wimen's Asosiesen. Morobe Wimen's Asosiesen i bin givim K1,500 long 1991 long skruim wokmeri bilong ol. Misis Hasawi i tok ol i bin rentim wanpela masin long stretim nupela peris senta bilong Keregia.

Aninit long Kregia, ol meri Aimurau, Raikona, Tembangko na Bonga i bung na kamapim grup bilnog ol. Nau i gat moa long 100 meri i memba bilong wokmeri.

Wol Vision i helpim ol yut bilong Sabusa

GODFRIED NIAKA i raitim

TUDE planti yangpela man insait long kantri i wok long lusim raskol

pasin na kamap Kristen na mekim wok bilong God. Long wankain taim ol i kamap olsem ol gutpela man long sosaiti

bilong ol. Long Septemba 30 long dispela yia, 39 yangpela man long Nesenel Kapitol Distrik i lusim pasin raskol ol i

save kamapim. Long dispela de, ol i givim olgeta sotgan na ol arapela samting ol i save yusim long kamapim raskol pasin i

go long han bilong plis ol i tokim plis olsem ol i pinis nau long kamapim ol bikhet pasin. Ol i laik stap olsem ol gutpela man na mekim wok bilong God.

Bikpela tok tenkyu i mas go long wanpela oganaisesen ol i kolim World Vision International. Bikos dispela oganaisesen i go pas na toktok wantaim dispela 39 yangpela man na wantaim ol plisman. Na dispela samting i bin kamap.

World Vision i oganaisim wanpela wan wik woksop long helpim dispela 39 yangpela man. Bikos olgeta bilong ol i no wok. Namel long dispela 39 yangpela man, 10-pela i bilong 9 Mail setelmen na 29 i bilong Sabusa.

Orait long dispela mun, stat long Mande 8 i go inap long Fraide 12, World Vision i ranim dispela wan wik woksop long helpim ol. Insait long dispela wan wik woksop, tripela wokman bilong hetkwata bilong World Vision long Madang skulim long wokim ol samting olsem sakol

stov, so das stov, toilet na wara pam.

Dispela tripela wokman bilong World Vision i skulim ol tu long tok bilong Papa Gad. Na tu ol i lainim ol long ol i mas luksave long ol yet olsem memba bilong sosaiti bilong ol. Na ol i gat sampela kain save i stap we ol i ken yusim long helpim ol yet.

Taim ol i pasim dispela wan wik woksop bilong ol long las wik Fraide, tupela lida bilong dispela 39 man i tok ol amamas tru long lusim bikhet pasuol save wokim.

Tupela lida ya-Tony Lakoko na Michael Opa i tok ol i lusim pasin raskol bilos ol i luksave olsem dispela kain laip i no gutpela tumas. Na tu ol i laik senisim laip bilong ol na statim gen nupela laip. Dispela nupela laip tupela i tok em long kamap Kristen na mekim wok bilong Papa God.

Mista Opa na Lakoko i tok i gat wanpela rot tasol long kisim gutpela laip na amamas long dispela graun. Dispela rot em long kamap Kristen na

mekim wok bilong Papa God. Bikos amamas wanpela man o meri ken kisim long mekim wok bilong God em i bilong stap oltaim. Dispela amamas i winim tru ol arapela kain amamas.

Tupela man ya i givim bikpela tok tenkyu i go long World Vision long luksave long hevi ol i gat. Na wokim gutpela disisen long kamapim samting long helpim ol long painim gutpela laip.

Bikos long hevi bilong lo na oda i wok long kamap bikpela, tupela i askim gavman long painim watpo na ol yangpela man i wok long karim aut raskol pasin. Dispela long wanem i gat as na ol ynupela man i wok long wokim raskol pasin.

Tupela i tok sapos gavman i ken sekap na luksave long as, orait gavman i ken kamapim samplea kain projek o program long helpim ol yangpela man.

Na dispela bai pasim ol yangpela man long kamapim raskol pasin.



Madang tu givim sam...Ol bruder bilong Bois Taun long Wewak tu i no laik stap natlong long taim bilong amamasim Golden Jubili bilong Asbisop Leo Arkfeld. Olsem na kwiktai ol i bungim tingting wantaim ol lain susa bilong konven na ol i kamapim wanpela bikpela grup stret. Olsem na taim tupela garamut i laik pairap wantaim ol kundu, ol retpela hap laplap tu i go daun tasim stret graun. Foto: Francis Uliau.



NAMBA WAN


TRAK

TOYOTA 6000

TEAM UP WITH TOYOTA

Ol Toyota Trak i fit long raun long ol rot insait long Papua Niugini. I gat spesel tripel fran waipa bilong helpim draiva long lukim gut rot long taim em i ran long bikpela ren. I gat strongpela Toyota disel pawa na ful sapot bilong Toyota Genuine Parts na Quality Service Centre i stanbai oltaim long helpim Toyota Trak bilong yu.

PORT MORESBY 229400 • LAE 422322 • RABAUL 921988
MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155
TABUBIL 589060 • VANIMO 871254 • PORGERA 579367



EM4690

Moa ripot bilong ol hevi i kamap long Madang/Morobe guria

Toktok i kamap long painim nupela ples bilong putim ol pipel

RIJONAL memba bilong Morobe Jerry Nalau i laikim nesanel gavman i painim hap graun long long Makam Vel na putim ol manmeri husat i kisim bagarap long guria .

Mista Nalau i tok olsem i moa gutpela sapos gavman i ken painim hap graun hari-ap na putim ol dispela pipel na no ken larim ol i go bek long ples bilong ol.

Em i mekim dispela toktok insait long wangepela bung wantaim man i bosim wok bilong stretim ol hevi bilong guria insait long Madang na Morobe provins, Kenel Lima Datoana. Bosman bilong Nesanel Disasta na Imesensi Sevis,

Leith Anderson i bin stap tu long dispela taim.

Mista Nalau i tok i moa gutpela long painim hap graun hari-ap insait long Makam Veli na putim ol pipel husat i kisim bagarap long guria. Na em i laik gavman i stretim toktok kwik wantaim ol papagraun.

Em i tok i no gutpela long ol pipel ya i go bek long ples bilong ol na painim wankain hevi long bihaintaim.

Mista Anderson i saptotim toktok bilong Mista Nalau na em i tok i moa gutpela long ol i mas stretim toktok kwik long painim hap graun insait long Makam na ol narapela hap bilong ol pipel nau i stap long Gusap na

Ranara kea senta long Madang provins long go stap long en.

Long wankain taim tu Rijonal memba bilong Madang Peter Barter i gat bikpela wari tru long ol pipel bilong em husat i kisim bagarap long guria. Em i tokim Wantok Niuspepa olsem wangepela gutpela hap graun we em i ting ol pipel i ken stap long en i stap namel long Tauta na Nahu. Na em i laikim ol lens opisa long Madang i stretim toktok wantaim ol papagraun hari-ap long dispela samting.

Long 3 o 4 pela taim insait long wangepela wik, Mista Barter i save go luklukim ol pipel ol kea senta.



• Mista Nick Gaemaia na Mista Billy Naime bilong Morobe i toktok long Gusap risapla senta. Ol pipel bilong 26 ples i stap nau long dispela senta.



• Ol famili long Gusap kea senta.



• Ol i kisim ol pipel bilong ples Moro na Sewe i go long Nahu long Oktoba 20.



• Graun i bruk long ples Moro na Sewe.



• Fil kontrola Lima Datoana, Nick Gemaia na Mathew long Nahu kem long Oktoba 20.



• Graun i bruk long Sewe na kilim tripela pikinini.

BOSTON

corned Beef Loaf

**I STAP TU
NAU LONG OL
200g Paket!**



BOSTON

Corned Beef Loaf

NET 12 OZ
340 g

**I save stap long
olgeta feivaret
stua klostu
long yu!!**

**NAU PRAIS I
DAUNBILO
TRU!!**

Simbu distrik tingim Refomesen De

SANANG ZAZORING I raitim

MOA LONG wa n tausen pipel il bin bung long Ena Luteran Sios insait long Kundiawa taun, long de bilong refomesen, 30-31 Oktoba, 1993. Olget Luteran insait long Wol i save tingim dispela de long namaba wan taim refomesen i kamap long Wittenberg Jemani, long 1517.

Long Sarere, 30, Oktoba, olgeta Luteran memba insait long Simbu i go bung long tingim na amamas dispela de. Pasto Yabo Sabo bilong ELC-PNG nesinol Baibel stad ofis i givim namba wan stadi long wok bilong Dr Martin Luther na soim wanem rot na as Luteran Sios i bin stat long Germany.

Dr Martin Luther i bin lukim olsem i no gat narapela rot bilong man i kamap stret long

ai bilong God.

Stadi i soim olsem, sampela rot Dr Martin Luther i lukim i no stret em long prea long Jisas long rot bilong Santu Maria o baim spirit bilong man long klin paia (purgaroty) wa taim tilket (enduigence). Long stretim sios, Martin Luther i sanap long 30-pela tok bilong Baibel i strongim tising bilong Luteran Sios.

Namba wan bikplea samting em Jisas Krai tasol em li rot. I no gat narapela rot long man i kisim laip, long wanem, man i no gutpela long ai bilong God-Rom 3:21-24.


Narapela bikpela samting Martin Luther i sanap long en em long Marimari bilong God tasol. Long wanem, long gutpela bilong God yet, em i sori long yumi na kisim baek yumi long wok bilong Jisas Krai. Na narapela em Baibel

tasol. Man i mas bihainim stret tok bilong Baibel tasol na bilip long em. Man i no ken senisim ol skruim wanpe'la tok long Baibel na putim tok na tingting bilong man.

Olgeta Kristen i gat bikpela amamas long harim dispela stadi-long wanem, planti i no save long as bilong refomesen. Pasto Joe Somogao tu i helpim na givim stadi long wok bilong refomesen.

Long dispela taim tu, i gat askim na save i kamap long wok bilong baptais, wok bilong spirit na arapela hevi bilong ol Kristen sios long tude. Ol Luteran Sios memba insait long Papua Niugini i kisim singaut olsem ol mas sanap strong long bilip bilong ol long Tok bilong God.

Luteran sios i mas sanap stret na bihainim tok i stap insait long Baibel tasol. Ol i



• Haus lotu long Wittenberg we Martin Luther i bin nilim 95 askim bilong em.

no ken skrulim o rausim wanpela tok bilong Baibel. Martin Luther i sanap long dispela tingting long bihainim tru tok i stap long Baibel olsem na em i kamapim refomesen na lusim Katolik Sios.


Long dispela taim ol Luteran memba bilong Simbu i tingim wok bilong ol namba wan misinari na evanselis bilong Finschhafen husat i bin kisim Tok bilong God i go insait long Simbu na Hailans. Ol i bringim 4-pela

hos i makim wokabout bilong ol sios wokman taim i no gat anpela rot i go insait long Hailans. I gat bikpela amamas bilong ol sios memba i go antaim prea na singsing long tupela de.


Ol pipel bilong Simbu

i tok amamas i golong nesinol sios long salim wokman long go pas long Baibel stadi bilong dispela refomesen de. Ol i tok amamas tu long ol kodneta bilong dispela bung long mekim bung i kamap gutpela tru.


We're Posting Huge Specials And Low Prices On These New MITSUBISHI L200 Utes (Lae only)




4 x 2 Petrol
Single Cab
Coffee Tray
K10,495 on road



4 x 4 Petrol
Single Cab
Coffee Tray
K12,995 on road




4 x 2 Petrol
Double Cab
Utility
K17,995 on road



4 x 2 Petrol
Single Cab
Utility
K10,995 on road



SPECIAL LIMITED OFFER!
FREE EX350 Generator with each model listed above purchased between Oct. 11th & Nov. 30th in Lae only.



HEY TOBA MOTORS LAE PH: 42 2611

BISNIS LONG PAPUA NIUGINI

Pis projek bilong Luteran Developmen Sevis i kamap nau

FISERIS divisen bilong Luteran Developmen Sevises i wok long skulim nau ol manmeri long 7-pela provins insait long kantri long pasin bilong lukautim pis bilong kaikai.

Aninit long dispela program, moa long 500 raunwara bilong lukautim ol pis i kamap pinis. Dispela senis i bin kamap insait long 11-

pela yia olgeta nau bihain long dispela program i bin stat.

Astingting bilong dispela program em long kamapim gutpela abus bilong lukautim bodi bilong ol manmeri. Na tu em i we bilong givim wok long ol yangpela manmeri long komyuniti. Dispela em i wanpela kain program ol pipel i ken lukautim sin-

daun bilong ol yet long longpela taim.


Ol fiseris opisa bilong Luteran sios i soim ol manmeri long wokim na lukautim ol raunwara bilong ol pis. Ol bikpela samting em ol i lainim ol manmeri long ples em bikpela o sais bilong raunwara, we bilong luksave olsem ol pis i mas kisim win,

wara i hat o kol na ol ples ol pis i ken stap na kaikai.


Ol opisa i save salim pis long ol manmeri long ples long liklik prais. Ol i save kisim pis long raunwara bilong ol long Aiyura long lsten Hailans provins na salim long ol manmeri long ples. Bihain ol ekstensen opisa i save go na sekim ol manmeri sapos projek bilong ol i ran gut.

Kodineta bilong dispela program, Johnney Soranzie i tok nau ol manmeri i no salim ol pis yet long kisim mani. Tasol emi tok sapos ol pis i karim planti pikinini na tu kaikai gut, ol inap long salim sampela.

Luteran Wol Federeesen long Geneva, Swiselan i putim kamap mani bilong ranim dispela projek.



Feveret kopi...Tupela wokman ya i soim nau wanpela karamap kopi em ol i kamapim yet insait long PNG long taim bilong Trade Fair. Nogat wanpela samting insait long dispela kopi i kam long ovasis. Na long wol, ating PNG kopi em i nambawan.



Hap bisket i kam...Ol pikinini i bin kapsait stret i go long liklik haus bilong Paradise Bakery long taim bilong PNG Trade Fair em ol i bin holim long Mosbi las wik. Planti kampani na grup i bin kamap long soim kain samting em ol i save wokim na salim. Na taim ol pikinini i lukim Paradise Bakery na stail koki bilong ol, ol i tingim feveret bisket bilong ol.



Hia em ol sampela lain memba bilong NANGO grup insait long Papua Niugini i soim long pepa wantaim ol hanmak bilong moa long 100 pipel husat i laikim olsem pawa bilong ol fores lo i mas stap strong. Olsem bal PNG Inap gat diwai na bikbus bilong ol pikinini long kamap bihain na lukim.

Ol papa graun kamapim namba tu asosiesen

FELLIX RAMRAM i raitim

MAUSMAN bilong ol papa graun long Bewani long Sandaun provins i askim ol papa graun bilong ol Timba Rait Peses (TRP) long Vanimo/Aitape i go kamap tupela hap. Nau yet, Vanimo/Aitape eria i gat 6-pela TRP blok olgeta.

Mausman ya, Smapot Mote i tok long nau yet, ol gavman opisa i painim hat long mekim gut wok bilong ol. Long wankain taim ol papa graun i painim hevi long kisim levi o royelti mani em gavman na kampani i save baim i go long ol.

Mista Mote i tok ol

papa graun long Vanimo/Aitape TRP blok i kam aninit long wanpela lenona asosiesen ol i kolim Besel Holdings. Na ol levi olsem bilong agrikalsa na timba i go insait long beng akaun bilong dispela asosiesen. Bikos long dispela as, ol papa graun i painim hat long kisim dispela mani na kirapim sampela kain wok long developim ples bilong ol.

Em i tok long mekim samting i kamap moa isi, ol papa graun bilong blok 1 i go inap long 3 i fomim na rejistaim pinis wanpela

lenona asosiesen bilong ol yet long mun Jun. Nem bilong asosiesen em Tuan Holdings. Na ol papa graun bilong blok 4 i go inap long blok 6 bai kam aninit long Besel Holdings.

"Dispela i no min olsem mipela bai i gat nupela kampani bilong mipela yet. Nogat. Mipela olgeta i kam aninit long wanpela timba kampani tasol. Tasol mipela i laikim olsem i mas i gat tupela lenona kampani. Dispela bai givim bikpela helpim i go long mipela ol papa graun. Na long wankain taim ol gavman opisa bai painim isi long mekim wok bilong ol," Mista Mote i

tok. Tasol wanpela dairekta bilong lenona asosiesen, Michael Sakelu i tok tingting bilong ol papa graun long blok 1 i go inap long blok 3 i no gutpela tumas. Na tu dispela kain tingting i no stap insait long agrimen kampani i kamapim wantaim gavman bilong Papua Niugini.

Mista Sakelu i tok agrimen namel long kampani na gavman i tok olsem i mas i gat wanpela lenona asosiesen na kampani tasol. Bikos kampani i gat wanpela laisens tasol long mekim wok insait long Vanimo/Aitape TRP eria.

Moa pipel egensim senis long Forestri lo

PLANTI toktok na hevi i stap wantaim planti pipel bilong PNG long ol kampani bilong arapela kantri husat i kam na bagarapim ol bikbus bilong yumi long mekim winmani hariap. Na ol i peim liklik mani tasol i go long ol papagraun. Tasol long ol yet taim ol i salim diwai, ol i save kisim bikpela winmani.

Planti long ol NGO (non gavman ogenaisesen) long kantri i sapatim tingting na laik bilong ol pipel long singaut bilong ol i kisim moa sea na winmani i kam long ol timba kam-

pani husat i kiraapim timba bisnis long hap bilong ol.

Grup bilong Papua Niugini Non Gavman Ogenaisesen (PNGNGO) i helpim ol papagraun bilong ol TRP eria long kisim gutpela kaikai olsem winmani o ol wok kamap long eria bilong ol.

Orait long las wik, ol plis long Mosbi i bin stapim wanpela mas we ol bin laik mekim i go long palamen haus. Ol i laik olsem ol i egensim wanpela bilo lo we memba bilong

Kagua Erawe Daniel Tulapi i laik kamapim bilong senisim Forestri ekt.

Dispela Forestri ekt we Minista bilong Fores yet Tim Neville i bin kamapim em i bilong daunim namba bilong ol diwai we ol kampani i katim na salim i go arasait long PNG. Wanpela long ol strongpela tingting long dispela samting em i bilong larim ol diwai na bikbus wantaim olgeta samting insait long en bilong ol pikinini na tumbuna bilong yumi long bihain taim.

Bisnis bilong panel biting na spre pent

MASKI man i gat bikipela bisnis o liklik tred stoa tasol, bikipela tingting bilong papa bilong bisnis em i bilong kamapim winmani.

Tasol tingting bilong wanpela man Aroma insait long Rigo eria bilong Sentral provins em i narakain liklik. Man ya em Mailu Malu husat i bilong liklik ples Gaivakala long Aroma eria.

Orait, Mailu i no tingting long kamapim winmani. Nogat. Wok bisnis bilong em i bilong stretim na spre penim ka bilong ol kastoma bilong em long taim ol ka i kisim sampela bagarap. Na mani bisnis bilong em i kamapim i helpim Mailu long lukautim famili

bilong en wantaim kaikai na skul fi.

Mailu i save gut tru long wok bilong em. Long wanem em i wok olsem wanpela spre penta long samting olsem 15 yia. Bihain long em i pinisim gret 6 long 1971, em i bin go long Koki Vokesenel skul na lainim wok bilong penel biting na spre penta. Em i bin kamap gutpela long skul na long pinis bilong kos em i kisim setifiket em long 1973.

Tasol Mailu i painim hat tru long kisim wanpela wok. Olsem em i go bek long ples bilong em na helpim papama long ol wok ol bilong ples.

Tupela yia bihain Mailu i bin laki long kisim wok wantaim

wanpela kampani ol i kolim long Carlos' Bodiwoks long Badili. Bos na papa bilong dispela kampani em wanpela waitman. Nem bilong en em Carlos Tinalley. Man ya tu em i papa bilong Tinalley Entapraisit tu.

Bihain long sampela yia, Mista Tinalley i salim kampani bilong em i go long George West. Na namel long ol wokman we Mista West i kisim long wok long kampani bilong en, Malu i bin wanpela long ol.


Tasol bihain long 7 pela krismas kampani bilong Mista West i pinis gen. Mekim na planti long ol man wantaim ol famili i wari nogut tru. Mailu i bin wanpela long ol dis-

pela man.

Bihain long planti senis olsem, Mailu i les pinis nau. Em i kirapim bisnis bilong em yet long baksait long haus bilong em long Hohola namba 4. Nem bilong bisnis bilong en em long GMI Bodiwoks. Mailu i no gat ol wokman long helpim em. Nogat.

Em i save kisim ol yut na trenim ol long mekim kain wok bilong penel biting na spre penta. Na ol yut ya i no peim wanpela samting long Mailu i lainim ol long wok.

Mailu i sasim liklik mani tasol long sevis bisnis bilong em. Olsem na em no mekim winmani long bisnis bilong en.



• Mailu Malu bilong Aroma long Sentrel provins i hatim skin wantaim draipela san long stretim lukluk bilong dispela ka. Tasol bikipela tingting bilong em i bilong pulim winmani. Bisnis bilong Mista Malu em i bilong pulim tasol inap mani bilong lukautim famili bilong em wantaim kaikai, klos na laplap samting, na mani bilong baim skul bilong ol pikinini. Em kain bisnisman husat i narakain liklik. *Poto na stori: Jack Ami.*



□ Joycelin Kauc-Leahy na tupela lain i save helpim em



□ Joycelin i sanap insait long stua bilong em.

Ol lain winim prais long taim bilong PNG Trade Fair

LONG taim bilong PNG Trade Fair em i bin kamap long Mosbi, tupela wik i go pinis, ol i bin givimaut sampela prais. Ol dispela prais i go long ol lain i wokim smatpela so, ol liklik bisnis na nupela prodak.

Fairdeal Liqour kampani i bin winim prais bilong wokim smatpela hap bilong soim ol samting kampani bilong ol i save wokim. Prais bilong liklik bisnis i go long Kalem Collection Beyond Art. Na prais bilong New Product i go long Allclad. Kalem Collection em i bisnis bilong wanpela

meri Morobe Joycelyn Kauc-Leahy. Word Pablising Kampani we i save kamapim Wantok Niuspepa, The Times, Wiken Spots na PNG Bisnis i bin spona lomg dispela prais.

Olsem prais bilong en, Mis Leahy bai i no inap long peim mani long taim em i putim ol edvetismen long kampani bilong en insait long tripela niuspepa bilong Wod Pablising. Fri edvatasing prais bai inap long K2,500.

Mis Leahy yet i save disainim ol klos na ol wok manmeri bilong en i save samapim na

salim. Stua bilong en long Boroko i save salim ol ti siot, dres, na ol yunifom we ol i gat ol PNG desain long en. Em i salim tu ol samting ol i wokim long PNG olsem long ol basket, peinting, ol bilum, ol cad na ol arapela samting moa we ol i wokim yet insait long kantri.

Mis Leahy i bin kirap nogut long taim ol jas i tokaut olsem em i winim dispela bisnis awod. Long wanem em i tok planti ol arapela bisnis i stap husat inap long winim dispela prais. Em i bin kirapim bisnis

bilong en, Kalem Koleksen long 1991. nau em i kisim planti oda long wokim ol yunifom klos bilong ol wok manmeri long ol kampani. Sampela long ol em EM TV, Talair, Baset Rent-a Ka, hailans Gol na ol arapela moa.

Mis Leahy i tokaut olsem long bihain taim em bai go het yet long disainim na samapim yunifom bilong ol bikipela kampani. na em bai yusim ol disain na piksa bilong PNG yet.

Long las yia, Kalem Koleksen i bin mekim winmani inap long K120,000.

Coffee			
Summary	10/11/93	Range 03/11/93	
	Oct93	Nov92	
Parch. 1/kg			
Arabica	152 120 to 160	152	148 100
Robusta	90 90 to 100	90	87 62
Cherry 1/kg	29 28 to 30	29	32
G/Bean 1/kg			
Del in Store Lae			
Arabica Y1	219 210 to 225	226	208 211
X	250 243 to 260	257	242 236
A	271 255 to 285	278	269 245
Robusta	170 165 to 175	170	170 165
Bounty 1/kg	16	16	16
Paic	75	75	75 100
G/Bean	100	100	100 125
New York 'C' closing 10/11/93			
Other Mild Arabicas			
US cents/lb	78.05	78.3	74.74 67.73
Kina = US\$	1.0137	1.0173	1.01245 1.011
Tona/kg	165.40	169.69	162.75 147.69
Y/Grade	152.34	156.68	136.62 121.53

Ol yanpela i go bung long long Sidni

I NO longtaim i go pinis, 14 manmeri bilong Antiok Yut Muvmen grup long Maun Hagen i bin stap insait long wanpela bikpela bung bilong ol yangpela long Sidni, Australia. Ol i bin bungim moa long 2,000 tausen narapela wanlain bilong ol long namba tri bikpela bung ol i kolim long Nesenel Antiok Yut Konvensen. Het tok bilong bung ya em "Laip bilong yumi i mas pulap long laik pasin." Ol yangpela i bin pre, singsing na lotu wantaim bilong serim bilip na laip bilong ol wantaim ol narapela poro bilong ol.

Insait long Sidni taun Hol we ol yangpel i bung i stap, Bisop David Cremin i bin welkamim ol yangpela manmeri. Em i tokim ol yangpela long skelim gut laip na sindaun bilong ol long dispela graun. Na no ken pundaun long pasin bilong drings, giaman, pain pamuk na ol arapela samting nogut inap long bagarapim sin-

daun na laip bilong ol. Jisas tasol em i wanpela rot bilong gutpela laip, Brata Cremin i tokim ol yangpela.

Long kirapimtru dispela bung, grup bilong Maun Hagen i bin singim wanpela singsing lotu ol kolim long "God i laikim Yu na mi tu i Laikim yu."

Orait, long Sarere nait, wanpela peris insait long Sidni i singautim ol yangpela long stap kaikai wantaim ol na amamas.

Long Sande, olgeta yangpela husadt i stap long dispela bung i bin mas long tupela aua insait long Sidni taun. Ol i bain serim amamas bilong ol wantaim ol manmeri na go nabaut long taun long autim biliv bilong ol.

Bung i bin pinis wantaim bikpela sios sevis long Sidni taun Hol gen we Bisop David i go pas long en.

Ol yangpela pipel bilong Australia long bung hia i bin sore tru long taim grup bilong PNG i lusim ol long kam bek long kantri. Bikos ol bin stap

olsem wanpela famili weol serim olgeta samting long gutpela kristen pasin.


Antiok Yut Muvmen em i wanpela arapela long kam klostu long Jisas na painim laip tru bilong God. Ol i helpim wantaim wok bilong sios na pasin bilong stap wantaim long sios olsem wanpela famili tasol.

Dispela grup i kirapim wok bilong ol long Maun Hagen long yia 1985 bihain long taim Asbisop Michael Meir na Sista Rose i kisim sampela yangpela wantaim ol i go long Sidni. Grup ya i bin ga etpela yangpela bilong Sen Pauls peris long Maun Hagen na foapela papamama wantaim husat i go stap wantaim ol lain yangpela long hap.

Long nau, Antiok Yut Muvmen i kirap pinis na mekim wok long sampela peris insait long foapela provins bilong PNG. Ol dispela pevis em Mt Hagen, long Westen Hailans, Simbu, Wewak na Manus.



• Josephine Leo, Maria Kal, Bob Bari, Agnes Kasuka, Peter Goya, Brother Anthony, Hedwig Aspo na Josephine Auala. Ol i malolo long Sidni.



Sio Kaunsil kisim K10,000

SIO KAUNSIL long Sandaun provins i kisim pinis K10,000 i kam long rijonal memba bilong Sandaun John Tekwie.

Mista Tekwie i givim dispela mani long taim em i bin go raun long hap bilong Aitape.

Em i tokim presiden bilong kaunsil olsem dispela mani em nesenel gavman i givim aninit long rural

transpot sektoral program. Na wok bilong dispela mani em long helpim ol long lukautim ol liklik han rot insait long ples.

Em i tokim ol tu olsem dispela mani i bilong 1993 na mobeta ol i mas yusim olgeta bipo

long pinis bilong dispela yia.

Provinsal projek kodineta bilong Mista Tekwie, Simon Wama i tok Mista Tekwie i no hait na givim dispela mani. Em i givim stret i go long ol presiden na distrik kodineta na em i toksave long ol.

• Ol PNG Antiok yut i bin bung wantaim 2,000 yut long Sidni, Australia.

• Ol i redi long kisim balus i go long Australia.



Wanpela smatpela rot bilong stapim sik malaria

SAM VULUM I raitim

WOK bilong stapim ol moskito i save kamapim sik malaria i wok long kamap bikpela nau long Madang provins.

Ol saveman i bin kamapim kain kain marasin bilong stapim na kilim ol moskito long karim sik malaria. Wanpela bilong ol dispela rot em long putim marasin long moskito

net. Dispela rot em ol meri long ples Amele insait long Madang provins i wok long bihainim nau long kilim ol moskito.

Wanpela ripot bilong Medikel Rises Institut (MRI) long Goroka i tok dispela wok i kamap olsem wanpela stadi painim rot bilong kilim ol moskito. Tasol dispela rot i wok long kamap bikpela na karim kaikai.

Ripot ya i tok Wol Helt

Oganaisesen (WHO) i bin go pas long dispela stadi. Dispela stadi projek i stat long 1991. Na insait long projek, ol meri i save baim ol rop na samapim ol kain kain moskito net. Bihain ol i save putim marasin bilong kilim moskito long ol net na salim long ol manmeri. Dispela projek i kamap gut. Tasol wanpela samting em ol meri i nidim nau em save bilong ranim dispela projek i kamap olsem

wanpela wok bisnis.

Dispela kain we bilong kilim ol moskito i kamap strong tu long ol arapela hap bilong kantri. Ol manmeri i no salim ol net olsem ol meri long Madang. Tasol ol i bin yusim planti net i gat marasin long kilim ol moskito.

Bikpela senis i bin kamap long Ramu Suga taim ol wokmanmeri bilong suga projek i yusim marasin moskito net long kilim ol moskito i save

kamapim sik malaria.

Ol saveman i bin tokaut olsem sapos ol manmeri i putim gut marasin long moskito net, strong bilong en long kilim moskito i ken stap long 6-pela mun olgeta. Ol saveman i tokaut tu olsem long putim gut marasin long net, ol manmeri i no ken putim net aninit long san. Na tu i no ken hangamapim. Bikos dispela i ken bagarapim o daunim strong bilong marasin.

Plis i holim foapela man

OL PLISMAN long Vanimo i arestim tripela man bilong Is Sepik na wanpela man Vanimo long hensapim man na traim stilim mani. Dispela trabel i kamap las wik we ol i traim long stilim pe bilong ol wokman bilong Woks Dipatmen. Mak bilong mani i stap long K45,000.

Ol plisman long Vani-

mo i bin hariap tru long kamap na ol i mekim bikpela wok long painim ol man na kisim bek dispela mani.

Ripot i kam long Vanimo i tok ol pisan i bin wok inap 48 aua olgeta long holim ol dispela man. Ol i painim ol dispela man long taim ol i laik kisim mani i go long Wewak na kalap i go long sip.



Isi tasol...Ol dispela lain mama i no laik long mekim planti nois tumas. Hia ol i sanap isi tasol na surik i go i kam long taim bilong amamasim Golden Jubili bilong Asbisop Leo Arkfeld long Wewak.

Poto: Francis Uliau.

Ripot bilong Waigani Semina klostu i redi nau

SAM VULUM i raitim

NESENEL gavman bai luksave sapos wok bilong maining na forestri insait long kantri i gutpela o nogat bihain long pinis bilong dispela mun.

Dispela tok klia bai stap insait long wanpela bikpela ripot em wanpela komiti i wok long redim nau.

Insait long dispela ripot bai i gat sampela bikpela tingting em i bin kamap long wan-

pela bikpela kibung ol i kolim "Waigani Semina." Dispela semina i bin kamap long Mosbi long mun Septemba long dispela yia.

Mausman bilong komiti, Dokta Nazir Mohamed i tok komiti i plen long givim dispela ripot i go long Nesenel Eksekutiv Kaunsil long namel bilong dispela mun.

Dokta Mohamed i tok ripot ya bai tokaut long wanem kain ol rot Papua Niugini i ken bihainim long kamapim

ol bikpela projek. Na bai i no inap long bagarapim ol bus, diwai, wara, graun na solwara bilong kantri.

Dispela komiti i gat memba. Insait long dispela memba, 5-pela i makim ol non gavman oganaisesen, tupela i makim ol kampani na ol arapela i makim gavman.

Waigani Semina em i wanpela bikpela kibung em Yunivesiti Bilong Papua Niugini i save go pas long oganaisim na ranim. Ol manmeri

husat i save kamap long dispela kibung i save toktok long kain kain bikpela hevi olsem edukesen, famili plening, malnutrisen na ol arapela hevi i stap long kantri.

Astingting bilong bikpela Waigani Semina long dispela yia i bin sut long ol bikpela projek olsem maining na forestri. Na wanem kain ol bagarap dispela ol projek i ken kamapim long envairomen.

Klostu 4 milien pipel

NAMBA bilong olgeta manmeri long Papua Niugini nau i wok long surik i go antap klostu long 4 milien. Long 1990 namba i bin stap long 3 milien.

Wok bilong kaunim ol manmeri em gavman i bin karim aut long 1990 i tok maski dispela namba i go antap, i nogat bikpela senis tumas sapos yumi ske- lim wantaim senses ripot bilong ol yia bipo.

Dispela namba i no karamapim ol manmeri bilong ol arapela kantri. Na tu ol refusi bilong Wes Irian. Na tu ol i no bin kaunim ol manmeri long Bogenvil bikos long bikpela hevi i stap.

Tasol ol ripot i tok olsem namba bilong ol sampela provins i go antap. Namba bilong ol manmeri long Enga, Sauten Hailans na Westen provins i bin go antap. Bikos long ol maining projek. Ol arapela provins em Manus, Is Nu Briten na Nu Ailan. Tasol long Is

Sepik, Simbu, Galf, Morobe, Madang, Wes Sepik provins namba bilong ol manmeri i bin go daun.

Ripot ya i tokaut tu olsem maski namba bilong ol manmeri i go antap, Papua Niugini i gat bikpela graun i stap nating. Ripot i tok Papua Niugini i wanpela long ol kantri long wol husat i gat planti graun i stap nating yet.

Tasol planti manmeri tru i wok long lusim ples bilong ol na i go aut long ol taun. Planti manmeri long Oro, Wes Nu Briten, Westen na Morobe provins i

wok long lusim ples na go aut long taun. Tupela provins we liklik lain manmeri tasol i lusim ples na go aut long taun em Manus na Is Nu Briten.

"Namba bilong ol meri insait long ol taun long kantri i klostu wankain olsem namba bilong ol man. Long wankain taim namba bilong ol meri i winim tru namba bilong ol man long skul. Bikpela namba bilong ol meri i go long skul i kamap long Nesenel Kapitol Distrik (NCD) na ol provins long ailan rijon," ripot ya i tok.

Bikpela de bilong pilai

OL I BIN tokim moa long 1,000 manmeri bilong olgeta hap bilong Bogenvil husat i bung long Wakunai long nambawan provinsal pilai long wok bung wantaim bilong kamapim pasin bilong bel isi, sekan na gutpela sindaun i ken kamap long ailan.

Minista bilong Stet na Bogenvil Afeas Michael Ogio bin mekim dispela toktok i go long ol yangpela bilong Bogenvil long taim em i opim tru provinsal pilai bilong ol long Wakunai long Sande Oktoba 31.

Wakunai wik pilai i bin gat ol pilaia bilong 7 pela grup (zone) long provins. Em long Buka, Not wes, Not is 1 na 2, Sentral, Saut wes, Atols na Telei. Ol pilai we ol yangpela bin stap long ol em long basketbal bilong man meri wantaim, soka, volibal bilong manmeri wantaim, dats, ragbi tas, boksing na trek na fil ivens.

Buka bin kamap gut stret na winim provinsal sil na K400 prais mani. Coca Cola kampani husat i bin sponsa long dispela provinsal pilai wantaim mani inap long K7,000 i bin donetim tu sil bilong tim husat i kamap nambawan long olgeta pilai. Na Hakena Koporesen bilong Buka yet i donetim K400 prais mani.

Tim bilong Siwai i bin kamap gutpela long ol trek na fil pilai na winim ol medal long ol dispela pilai. Dispela pilai i bin wanpela gutpela sans bilong ol yangpela pipel long bung wantaim long nambawan taim bihain long ol hevi long ailan insait long foapela yia nau. Na ol yangpela i bin amamas tru long stap pilai na pren wantaim long dispela taim.

Provinsal Sosel developmen opisa Mathew Kusa i bin salensim tu ol yangpela long kamap olsem rot bilong kamapim gutpela sindaun. Long mekim dispela samting i kamap tru, ol i mas sekan, kamapim bel isi lusim pasin bilong pretim wanpela narapela na pogivim ol husat i wokim long ol. Bihain long ol dispela samting i kamap, ol i kenwok bung wantaim long kamapim gut gen ol komyuniti, ples na provins bilong ol, Mista kuusa bin tok.

Ol yangpela i lukim dispela bung olsem nambawan rot long kamap olsem ol friman bihain long ol i stap aninit long kalabus bilong ol BRA long foapela yia.

Spesel de bilong Satelbeg

SANANG ZAZORING i raitim

LONG NOVEMBA 8, Luteran sios Satelbeg seket long Morobe provins i winim 101 yia. Namba wan stesin i bin kamap long Satelbeg long 8 Novemba, 1892. Na long askim dispela bikpela de i bin gat wanpela seket kibung long Keregia peris. I bin gat ol manmeri i makim 72 ples insait long Satelbeg i kamap long dispea bung. Ol i bruk long ol peris olsem Mawaneng, Fosama, Sasibona, Qoya,

Song insait long Wemo. Jamasa i stap traim peris na dispela konprens i pasim tok long lukim sapos em inap long kamap peris o nogat.

Arapela peris em Wareo, Kitaka, Wandokai, Siwea, Zunzuma u, Ondeu na Yumen. Wan wan kongrigesen i wok hat long lukautim dispela wan wik kibung.

Insait long kibung ol i bin paitim toktok long planti samting. Wanpela bikpela hevi em ol nupela sios i wok long go insait long Finsafen

Askim long ol timba kampani

WANPELA askim i go nau long Sandaun provinsal gavman na nesanel gavman long skelim gen agrimen bilong wok fores i stap namel long gavman na Vanimo Fores Prodaks na ol arapela timba kampani husat i wok long katim diwai insait long kantri.

Namba tu primia bilong Sandaun provinsal asembli, Piamnok Lakurengin i tok provinsal fores minista, Kevin Imba i mas sekap long dispela samting.

Mista Piamnok i mekim dispela toktok i bikos i gat planti toktok i wok long kamap namel long gavman na kampani long sampela samting i stap insait long agrimen.

Mista Lakurengin i tok i gat komplek i stap olsem planti man long Asia i wok long Vanimo Fores Prodaks na wanpela arapela kampani ol i kolim WTK Realty. Em i tok planti papa graun i putim komplek tasol i no gat opisal ripot i kamap long samting i bagarap.

Lakurengin i tok wok bilong Leba dipatmen long provins tu i pundaun olgeta. Em i tok gavman i no save long namba bilong ol Asia manmeri husat i gat wok pemit long kam na wok long provins. Na tu wanem kain wok wan wan bilong ol i save wokim.

Em i tok dispela samting i no stap aninit long ministri em i lukautim (Prameria Industri). Tasol em i wanpela lida na wanpela man bilong Sandaun provins, em bilong provins na em i gat rait long toktok long wanem samting i kamap long provins.



Abus tru ya...Ol dispela lain yangpela i amamas tru bikos tupela abus stret i pala pinis. Long apinun, ol bai wokim pala na maus bal wara nating. Dispela kain ol abus i pulap tru long ol hailans provins bilong Papua Niugini.

Olssem wanem na solwara i kamap

BIPO bipo tru long dispela graun i no gat solwara i stap. Graun tasol i stap na i gat wanpela meri wantaim tupela pikinini bilong em i stap long wanpela ples ol i kolim Keleba insait long Rabaul, Is Nu Briten provins.

Nem bilong dispela meri em Ya-Letel na nem bilong namba wan pikinini man bilong em, i ToDuna na nem bilong narapela pikinini em ToMotet.

Ol dispela famili save wok hat tru long gaden, olgeta de ol i no save malolo long wok gaden. Taim ol i go wok long gaden mama i save go bek hariap long haus taim em i lukim san i laik go daun. Em i save go bek long haus na redim kaikai bilong ol.

Wanpela taim ol i wok i go na lip bilong sugaken i katim pinga bilong mama. Mama i go daun long liklik wara klostu long gaden long wasim blut. Taim em i putim han i go insait long wara, dispela war i kukim han bilong em na i pen nogut tru.

Ya-Letel i rausim pinga bilong em na putim long maus bilong em long traim stapim pen. Tasol nogat em i pilim swit long mus bilong em.

Mama isi tasol kisim wanpela mambu na pulmapim dispela solwara. Taim em i pulmapim wara pinis em i kirap na haitim long tupela pikinini. Long apinun mama lusim tupela pikinini na go long haus long kukim kaikai. Em i kisim wara long mambu na go long haus na karim. Taim mama i kukim



kaikai em i no putim solwara long kaikai bilong namba wan pikinini. Taim narapela brata bilong em i laik kaikai em i pilim kaikai i swit tru. Long narapela de taim em i kukim kaikai em i no putim solwara long kaikai bilong liklik brata.

Mama i mekim wankain pasin olssem inap longpela taim tru.

Wanpela taim tupela brata i pasim tok long hait na lukim wanem kain samting mama i save yusim long kukim kaikai.

Long moning olgeta i go wok gaden long apinun tupela i hait na lukim mama i kisim mambu na go pulmapim wara. Taim

mama i go pinis tupela boi i go na kisim wara na putim long maus na pilim wara i swit.

Tupela i kirap na rausim bikpela ston em wara i save kamap long en. Tupela i mekim i go na rausim ston na wara i sut i kam antap na karim tupela i go na kamap

bikpela raun wara.

Taim mama i laik sekim wara na em i lukim wara i kamap bikpela tru na em i belhat na tanim kamap ston. Olssem na nau solwara i stap long olgeta hap bilong graun.

Michael Joe Lames
RABAUL.



Wanpela nait Kanage wantaim ol bikman bilong Yawasoro Kompaun long Wewak i go huk long Wom bris. Ol i sindaun tromoi string i go na huk bilong Kanage i pasim long wanpela ston. Em nau Kanage i askim ol pren bilong em long go daun aninit long wara na rausim huk bilong em. Tasol ol poroman bilong em i les. Bikos nait na wara i kol nogut tru. Kanage em i wanpela lait skin na patpela man. Em i go daun sanap arere long wara na rausim trausis bilong em. Isi tasol em i daiv i go daun long wara. Tasol em i no go insait long wara. em i stap antap tasol. Taim ol arapela bikman i harim nois long wara ol i ting olssem wanpela pukpuk i mas bihainim wara i kam daun. Taim wanpela bilong ol i holim tos, ol i lukim as bilong Kanage i lait olssem wanpela hap kapa. Em nau wanpela bikman i kirap na tok: Mama, as bilong bulmakau o pangal bilong saksak." Na narapela bikman i kirap na tok: "Mi ting olssem as bilong mipela ol man i gat mit na skin. Tasol nogat. Sampela bilong mipela i gat as olssem kapa bilong wokim haus."

Moses Bon
Yawasoro, WEWAK.

Kanage wok i stap long wanpela haus kaikai long Goroka. Na wanpela naispela yangpela meri long ples i go long baim sampela kaikai. Dispela meri em i no save gut long tok pisin. Em i go na lukim tripela kain sosis na askim Kanage. "Hai braks, hamas long sosis bilong yu?" Kanage kirap na bekim. "Wanem kain sosis yu laikim-braun, ret o long karamap (hot dog)?" Meri ya kirap na tokim Kanage. "Mi no laikim retpela. Braun em i bilong yu. Mi laik dispela i stap pinis long karamap long en." Kanage i harim na het bilong em i raun olssem propela bilong balus na em i tok. "Sore, taim mi yangpela yu bin stap we. Nau mi lapun pinis na yu kam kamap ples klia." Meri ya harim na bekim. "Em wari for yu. Sosis en karamap fo yu." Em i mekim dispela hap tok na tekov i go.

Father SM
GOROKA.

Mi save sem long toktok wantaim ol meri

Dia Laiplain,

Mi wanpela klewa save-man na sampela sumatin long koles, na sampela meri long skul i save pundaun long mi.

Tasol mi wanpela man bilong sem, mi save painim hat long toktok wantaim ol meri o askim ol long raun-wantaim mi.

BASHFUL

Dia Pren, Mipela i no save bilong wanem na ol meri i no



kam askim yu long go aut wantaim ol sapos yu wanpela kain man em olgeta lain i save long yu. Tasol mipela i save nau bilong wanem na ol meri i no gat laik long yu. Ating

yu ting yu moa yet na ting yu wanpela top manki long skul na yu tasol i smat tru winim ol arapela sumatin.

Man husat i save tingting long em yet na apim nem bilong em i save painim hat long mekim pren, wankain tu long man em i save sem. Ating dispela tupela kain man i gat wankain pasin.


Ol man i tok olssem sem i save kamap taim

yu tingting long yu yet na i no tingting long ol arapela lain. Planti taim man i sem bikos em i wari, nogut ol man i toktok long em taim em i toktok o wokim samting long pulim tingting bilong ol arapela lain.

I tru olssem, ol pipel i save wari long samting ol i mekim na tingting planti long ol lain i save sem. Wanpela gutpela pasin long stapim pasin bilong sem em long save long tingting na pasin bilong narapela man em yu laik toktok wantaim. Na i no long yu givim tingting na soim pasin bilong yu long em.

Sapos man i gat laik long yu em bai askim kwesten long yu na yu inap bekim em.

MI LAIPLAIN.



Aigris long Goroka kopi...Ol dispela lain man i bin go aigris liklik long kain kopi bilong PNG em i save kam yet long kolples Goroka. Dispela em long taim bilong PNG Trade Fair.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

Ph: Miri Alori Ext. 203
John lagata Ext. 217
Vetovo Magull Ext. 232
Jeffrey Mallou Ext. 216

BELATED BIRTHDAY GREETINGS to

RONNIE SIMEWA who turned 6 on November 17th, 1993.



Betde Gritings i kam long ol tumbuna long Kaugere, Mosbi na ailan Tainapin long Malol, Wes Sepik provins, ol kandre na anti long Sio insait long Morobe provins, ol brats long Godens Plis Bareks wantaim bik daddy & mummy, ol Bena famili long Goroka, Wewak, Aitape na longn ol arapela hap insait long kantri.

Spesel "6" Packs Gritings tu i kam long ol kandre nogut bilong Gee Bareks na Hohola. Liklik Nikita bilong Hoks City tok stap isi na no ken kaikai tumas ol gecko palai.



Weekly

SPORTS NEWSPAPER

On sale every Friday, Saturday **30¢...**

Tok save: OL BOS BILONG OL HAUS KAIKAI

BADILI FREEZERS

OL NAMBAWAN PRAIS KAIKAI BILONG BADILII



Plis ringim ol telipon namba

21 7002/21 7718/21 7994


Na askim long toktok wantaim:-

MIRIAM/KONIO/ROSE/STEVEN

OLGETA SAMTING BILONG KAI BA I STAP LONG

Mipela long **"NAMBAWAN PRAIS"** long Mosbi.

- I gat ol • CHIPS • MUTTON FORECHOPS • DICED BEEF
- KIAU • NECK SLICES • BEEF MINGE • LAMB FORES
- DICED LAMB • DICED MUTTON
- WEL BILONG KUKIM KAIKAI
- TANG BILONG SIPSIP



SAPOS YU BAIM K100 na kisim long wankain taim o K200 na MIPELA BAI BRINGIM I KAM LONG STUA/HAUS BILONG YU.



WORD

Word Publishing has a vacancy for a **DISTRIBUTION SUPERVISOR.**

Applicants should have an outgoing personality and be able to fulfil the following requirements.

1. Communicate with agents at all levels
2. Have some knowledge of accounting matters and computer
3. Be prepared to work irregular hours
4. Possess a current driving licence

Salary and conditions negotiable

Apply in writing to:

**The Marketing Manager
Word Publishing Co P/L**




Attention: **TV OWNERS**

**FOR ALL YOUR TV REPAIRS
CHECK WITH US FIRST**

or

**CALL IN AND SEE US FOR ALL YOUR
ELECTRICAL NEEDS.**

- SPARE PARTS ■ TOOLS ■ EQUIPMENT
- REPAIRS TO T.V.'s, RADIOS, ETC.



We are located at the corner of wards road and Spring Garden Road, Hohola, N.C.D.

P.O. BOX 3572
BOROKO, N.C.D.

PHONE: 25 1952
FAX: 25 4743


WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

Ph: Miri Aiori Ext. 203
John lagata Ext. 217
Tovovo Magui Ext. 232
ffrey Maliou Ext. 216



TOK SORI

Ilektoral Komisina Reuben Kaiulo,
Deputi ilektoral Komisina Andrew
TRawen na ol opisa bilong Ilektoral
Komisin i salim bikpela tok sori i go
long Misis Wilma Yauwi na ol pikinini
na famili bilong JOHN P. YAUWI
husat i dai long Trinde 10 Novemba,
1993 long Pot Mosbi Jeneral Hospital.

BEL ISI BILONG BIKPELA I STAP
WANTAIM EM.

**REUBEN T. KAIULO, MBE
ILEKTORAL KOMISINA**



Tok Sori

Mi makim maus bilong ol memba
bilong Pangu Pati, Oposisen, ol pipel
bilong Galp Provins na famili bilong mi.
Na mi salim bikpela tok sori i go long
famili bilong **JOHN P. YAUWI** husat i
dai long Trinde Novemba 10, 1993.


BEL ISI BILONG BIKPELA I STAP
WANTAIM EM.

C S HAIVETA, MP



Tok Sori

Minista bilong Lens na Fisikel Plening, Honorabel Timothy Ward,
na seketeri bilong Lens na Fisikel Plening i makim maus bilong
olgeta opisa na staf bilong Dipatmen bilong Lens
na fisikel Plening na i tok sori long meri bilong
John P. Yauwi na ol pikinini na famili bilong
em. Mipela i sori tru long indai bilong papa bilong yupela.



John P. Yauwi i wok long Dipatmen bilong Lens
na Fisikel Pleninginap 23 yia olgeta. Em i
wanpela man bilong wok. Em i save stap isi
tasol na mekim wok bilong em.

Belisi bilong Bikpela i stap wantaim em.

Hon. Timothy Ward, MP
Minista bilong Lens na Fisikel Plening.

Mipela i luksave long bikpela wok em i mekim
long dispela dipatmen.

Joseph S. Aoae
Sekreteri

Novemba 11, 1993.




Spot poto ripot long ol kona bilong PNG



*Antap...*Old Dog and the Off Beats bilong ples Yabob ausait long Madang taun husat i bin pilai long taim bilong nesanel wimens soka klap sempionsip. Oi i bin pilai na pulim planti man na meri long go lukim kik. *Poto Ben Taumai*

*Lephan...*Wanpela pilaai bilong Hagen Kumul i kisim bal i go long traim skoa long mak bilong guria. Kumul i no strong na Guria i winim ol 2-0. Dispela em long taim nesanel wimens klap sempionsip long Madang long las wiken.



*Antap...*Oi tim husat i kik long EPC soka resis i mas pastaim oi i pilaim ol namba wan gem long las wiken.

*Lephan...*A gret tim bilong Malangan husat i save pilai long Mosbi sofbal resis.



• Dispela em stail kik bilong ol meri long EPC soka long las wiken.

• Rose Suwae bilong Mosbi Guria long lephan i ran i kam long stapim dispela pilaai bilong Hagen Kumul. Dispela em long kik bilong wimens klap sempionsip.

Rabaul i bin redi tasol long bungim ol arapela tim

WINIS MAP i raitim

TINGTING bilong ol boi Vitiaz soka klap bilong Rabaul long bagarapim sindaun bilong ol arapela tim long nesenel klap sempionsip bilong ol man bai lus nating.

Vitiaz i bin redi gut tru long stap insait long dispela bikpela kik tasol long las wik Papua Niugini Futbol Asosiesen (PNGFA) i stapim dispela bikpela kik long kamap long

dispela yia. PNGFA i srukim dispela kik i go long sampela taim long neks yia.

Presiden bilong PNGFA, Peter Mommers i tok planti tim i no baim K100 nominesen fi olsem na ol i stapim dispela kik long kamap. Tupela tim husat i baim nominesen fi em Vitiaz bilong Rabaul na United bilong Wabag.

Taim gren fainal bilong Rabaul soka i pinis Vitiaz i no wet na go stret long trening. Ol

i bilip olsem ol bai winim dispela kik bikos dispela kik i kamap long as graun bilong ol.

Long las yia Vitiaz i bin go long fainal na kamap namba 4. Olsem na long dispela yia ol i tingting strong tru long kamapim gutpela kik.

Wantok i bin toktok wantaim Abel Soten na John Wamex tupela sinia pilaia bilong klap na tupela i tok olsem ol i no bin pretim kain tim olsem Yunivesiti bilong Mosbi. Bikos long las

yia Vitiaz i pilai wantaim Yuni long fainal na lus long ol na ol i save pinis long stail bilong kik Yunivesiti save yusim.

Dispela tupela pilaia ya i laik save bilong wanem na sampela klap long kantri i no baim dispela K100 nominesen fi hariap. Tupela i tok ol klap opisal bilong wan wan tim i mas wok hat long helpim ol pilaia long stap insait long kain bikpela kik em PNGFA i wok hat long kamapim.

Tupela i laikim PNGFA long larim Rabaul i holim dispela sempionsip. "Mipela i askim PNGFA long no ken kisim dispela tonamen i go long ol arapela senta," tupela i tok.

Vitiaz i wanpela klap long Rabaul husat i no gat gutpela kosa. Tasol wanpela samting i helpim klap long kamapim gutpela kik em pasin wan wan pilaia i soim long klap. Ol pilaia i save harim tok na bihain ol sinia pilaia.

PORT MORESBY MEN'S SOFTBALL ASSOCIATION DRAWS Week 5-21/11/93 A grade Diamond 3

1000-1115 Malangan vs NGI L Tovia
1130-1245 B/Eagles vs Chebu A Moe
1300-1415 Fuji vs Hawks A Evald
1430-1545 Gazelle vs Elcom P Mesak
1600-1715 Manogols vs C/Tigers T. Simitap

B grade Diamond 2

1000-1115 B/Eagles vs MSC P. Klink
1130-1245 Gazelle vs Elcom C Terra
1300-1415 Malangan vsNGI L Paivu
1430-1545 Fuji vs Hawks L Duba
1600-1715 Varsity vs Karanas J Sogai

C grade Diamond 3

1000-1115 Fuji vs PNGBC N. Tata
1130-1245 Manolos vs C/Tigers R. Misiel
1300-1415 MSC vs Chebu L Duba
1430-1545 Malangan vs Karanas M Pasok
1600-1715 Hanza Bay vs Admiralty P Timbe

Goodenough Island Soccer Association Weekend draws Dated: 21/11/93

ADCOL OVAL ONE (1)

TIME	TEAMS	vs	TEAMS	DIV
10:00-10:10	Bwicoms	vs	Bowa	1
11:20-12:30	Wagifa	vs	Monma	1
12:40-1:50	Bolubolu	Vs	Bay Bros	1
02:00-03:10	Watuluma	Vs	Bowa	1

ADCOL OVAL TWO (2)

TIME	TEAMS	vs	TEAMS	DIV
9:00-10:10	Bwaicoms	vs	Bowa	2
11:20-12:30	Wagifa	vs	Morima	2
12:40-1:50	Bolubolu	vs	Bay Bros	2
02:00-03:10	Watuluma	vs	Bowa	2

* Mataita and Miufau are on by.

NB:

1. Bowa will play two games because Bowa and Bwaicoms played twice only.
 2. Mataita will be on bye because they have played Bwicoms three times already.
- * Each team should have played other teams three games each totalling 25 games and two byes each.

Eels redi long autim Waimuru

ST. EELS ragbi tas tim husat i save pilai long Wau Ragbi Tas kompetisen i gat bikpela tingting olsem ol bai winim gren fainal. Eels bai bungim Waimuru long gren fainal.

Dispela yia em i namba wan taim Wau i holim wanpela kompetisen bilong ragbi tas. Olgeta pilai i bin kamap gut na i no gat hevi i kamap long taim bilong resis.

Eels i gat gutpela nem tru long kompetisen. Ol i bin kamapim gutpela pilai long taim bilong kompetisen na dispela i helpim ol long stap insait long gren fainal. Long las wiken ol i bin winim Tribes na dispela i givim ol sans long stap long gren fainal.

Long stapim Waimuru long winim Eels ba kisim sevis bilong Petrus Eddison, Pidik John, Harvey Banabas, Charles Irakam na Tobul Kiukiu. Dispela ol lain i mas wok bung sapos ol i laik winim pilai.

Tasol ol i no ken luk daun long Waimuru bikos ol boi Waimuru i ken wokim Eels i sindaun slip wantaim wari. Waimuru bai pilai na lukluk gut tru long pilai bilong Eels na ol i no inap bihain stail bilong Eels long pilai.

Ol pilaia husat bai kamapim gutpela pilai em Aru Kelly na Nick Urapila. Kelly em i wanpela gutpela pilaia husat i save yusim gut bal long las takel.

Kosa bilong Eels, Harvey Banabas i tok tim bilong em i redi tasol long bungim Waimuru.

PILAIA LONG WIK

NAME: Theresa Kunda.
AGE: 19.
MARITAL STATUS: Singel.
VILLAGE: Petaklari
DISTRICT: Ioma.
PROVINCE: Oro.
FAVOURITE FOOD: Banana.
FAVOURITE TV PROGRAMME: Fizz long EMTV.
REPRESENTATIVE FOOTBALL: Makim Simbu long Highlands Regional Soccer tournament long dispela yia.
OL NARAPELA SPOT: Vollbal



Paia lait long Sogeri Veli

by LIONEL YOGOMIN

OP SISEN lig bilong Sogeri Valley Ragbi Lig (SVRL) long las wiken i bin kamap gut tru planti tim i bin kamapim gutpela gem.

Namba wan pilai long las wiken i bin stap namel long Bluff Inn na K.K United na tupela i dro 3-3. Hugo i winim Radho 12-4 na Tigers i winim Kerras 8-4. Taim Kanage i givim liklik skul long Tanobros na winim pilai 20-18.

Pilai namel long Tigers na Kerras i bin wanpela gutpela pilai. Tupela tim wantaim i bin soim strong na stopim arapela long skoa. Kerras i bin kisim sevis bilong Sine Sine, Steven Kale, Ben Bire na Alysius Tangali. Ol i bin painim hat liklik long stapim Tigers em Gerega Vaira i go pas long ol.

Prop bilong Tigers Paul Yori na Paul "Gadafi" Gady wantaim helpim bilong Anton Awute i bin givim hat taim long Ben Bire wantaim ol lain bilong em.

Kerras i bin skoa sampela minit bipo long hap taim. Dispela trai i bin kamap taim Sine Sine i ran abrusim banis bilong Tigers na salim bal i go long Biria Mon husat i go na skoa.

Bihain long hap taim kepten bilong Tigers Paul Noe i go pas long ol boi bilong em na stat bomim banis bilong Kerras. Tigers putim namba wan trai taim fulbek bilong Kerras i no holim gut bal na Consy Nibari i ran i go na skoa long kisim skoa i go antap 4-4. Dispela trai i kirapim tingting bilong Tigers na Gerega Vaira na Lawrence Marere i stat boim ken banis bilong birua. Dispela nau i bin helpim Tigers long putim namba tu trai long kisim skoa i go antap long 8-4.

Bikpela pilai long apinun i bin stap namel long Tanobros na Kanage Raiders. Dispela pilai i bin

kamap narakain tru bikos Tanobros i bin go pas long poin long namba wan hap bilong pilai.

Raiders i bin skoa pastaim taim fulbek Aba Nanba i setim winga Danis Gobula long skoa na ol i go pas 6-0. Tasol i no long taim Dickson Lunafe bilong Tanobros i brukim banis bilong Raiders na skoa.

Long hap taim Tanobros i bin go pas long skoa wantaim 14-6. Bihain long hap taim Ol i putim narapela trai ken long kisim skoa i go antap long 18-6. Tasol bihain long dispela Raiders i stapim ol gut tru na kisim 14 poin long kisim skoa i go antap long 20 na ol yet i winim dispela pilai.

PUBLIC SERVANTS SOCCER ASSOCIATION DRAW				
Sunday 21/11/93 Bisini Ground				
Time	Div	Fixtures	Grounds	
8:00	M2	A/General vs P/McGregor	B1	
9:10	W2	A/General vs P/McGregor	B1	
10:00	M2	POSF vs Works	B1	
11:10	W2	POSF vs Works	B1	
12:00	M2	NBC vs Transport	B1	
1:10	W2	NBC vs Transport	B1	
2:00	W2	Finance vs PTC	B1	
2:50	M2	Finance vs PTC	B1	
4:00	W2	DCA vs Labcis	B1	
4:50	M2	DCA vs Labcis	B1	
8:00	M1	BPNG vs Lands	B2	
9:10	W1	BPNG vs Lands	B2	
10:00	M1	Deced vs P/Minister	B2	
11:10	W1	Deced vs P/Minister	B2	
12:00	M1	Teachers vs NPF	B2	
1:10	W1	Teachers vs NPF	B2	
2:00	W1	CMB vs Education	B2	
2:50	M1	CMB vs Education	B2	
4:00	W1	PNGBC vs University	B2	
5:00	M1	PNGBC vs University	B2	

Note: All referees must make sure that all games must start on time and finish on time. 5 minutes are allowed for breaks.

Soka gro isi isi nau insait long Simbu

WINIS MAP I raitim

SOKA i wanpela pilai em i no gat bikpela nem insait long Simbu provins. Olsem na wanpela asples man bilong Simbu i wok hat tru naulong traim kri-apim stendet bilong kik long hap.

Nem bilong dispela man em Buafe Eliai em i wanpela man husat i gat namba long soka. Eliai em i wanpela man

long hailans husat i bin resis wantaim ol lain long nambis long kisim level 2 setefiket bilong wok kosa.

Em i bin wok long Rabaul na kisim level 2 setefiket bilong wok kosa long 1984. Eliai i bin statim Luteran Yut soka klap long Rabaul long 1983 na em yet i kamap kosa bilong tim.

Rabaul soka opisal i bin luksave long Eliai na makim em het kosa bilong ol meri Rabaul

long stap insait long nesanel wimens sempionsip long 1985. Long dispela taim Rabaul i bin go insait long semi fainal na lus.

Tasol em i lusim PNG long go skul na i no mekim wok olsem kosa inap long tripela yia. Taim em i pinis skul na kam bek ol i bin salim em i go wok long Simbu.

Long dispela taim em i stap long ples na statim wanpela soka kompetisen long ples. Em i

bin painim hat liklik bikos planti ol lain long hap i save bihainim ragbi lig. Dispela i bin givim em hat taim long kisim sapot i kam long ol yangpela long ples.

Buafe i bin statim soka kompetisen long ples bilong em long Sina Sina long traim kamapim kik long ples. Bihain long dispela em i seketim sampela gutpela pilaia na kamapim Sambure tim long go pilai long

Kundiawa soka asosiesen long dispela yia.

Long taim em i stap ovasis na i no mekim sampela wok kosa, Papua Niugini Futbol Asosiesen (PNGFA) i no moa luksave long em olsem wanpela level 2 kosa. Olsem na nau em i wok hat long stap insait long ol kos na lukautim ol tim long go bek na kisim namba bilong level 2 kosa.


"Nau mi stat gen long daunbilo na wok long painim rot i kam antap long kisim dispela luksave olsem wanpela level 2, kosa," Eliai i tok.

Bikpela tingting bilong Eliai em long kamapim stendet bilong soka long Simbu. Tasol nau yet em i no amamas long ol kampani na bisnis man long Simbu.

Em i tok, ol dispela

lain i wok long sapotim tasol ragbi lig. Em i tok provinsal gavman tu i no save helpim long kirapim ol arapela pilai, ol i save lukluk tasol long helpim ragbi lig.

Ragbi lig em i wanpela gem em Simbu i gat nem long kamapim ol nem pilaia long PNG. Ol kain pilaia olsem Bal Numapo em i wanpela long ol man husat i bin hapim nem bilong Simbu long ragbi lig.



• Buafe Eliai olpela level 2 kosa ol bikman bilong soka long PNG i no luksave long em bikos em i lusim wok kosa long tripela yia. Tasol nau em i wok long kam bek ken.



• Sambure soka tim bilong Kundiawa husat i bin kamap long nesanel wimens klap sempionsip em ol i bin holim long Madang long las wiken. Sambur i no strong na kamap namba 6 long dispela resis. Tasol nau ol i tingting strong long kamapim gutpela kik long bihain taim.

Routo i winim ol gren fainal long Kimbe

KIMBE Soka Asosiesen (KSA) long las wiken i bin holim soka gren fainal bilong em.

Wanpela tim husat i bin lukim olgeta tim bilong em i go insait na winim ol gren fainal kik em Gimi Routo Logging soka klap. Gimi

Routo em i wanpela nupela tim tasol olgeta tim bilong em i pilai long wan wan divisen i bin go insait long gren fainal.

Ol sapota bilong klap i bin givim bikpela sapot tru long ol pilaia. Ol i bin singaut "G.R Wala" long taim bilong pilai

na dispela i bin kirapim tru tingting bilong ol pilaia.

Bikpela pilai long apinun i bin stap namel long G.R Logging na Tulako. Tupela tim wantaim i bin kamapim gutpela fast futbol na wokim ol sapota i amamas long lukim.

Namba wan gol

bilong Routo i bin kam long Malpe Peter. Bihain long dispela gol Peter i wok hat moa na sutim namba tu go bilong em. Bihain long dispela gol Tulako i no pasim banis na Bonny Michael i go na sutim namba tri gol.

Tukalo i bin wari long dispela gol na kik

strong tru long bekim wanpela gol. Tasol difens bilong Routo i strong moa na ol i no givim sans long Tulako long skoa.

Gren fainal bilong primia divisen i no bin kamap long las wiken bikos ol i no gat inap taim long kik. Ples i bin tudak olsem na ol

opisal i stapim kik. Dispela gren fainal kik bai kamap long dispela wiken.

Kosa bilong Routo, Dominic Anis Lingam i bilip tim bilong em bai winim taitel. Ol i winim gren fainal bilong tripela divisen na bilip ol bai winim gren fainal bilong ol primia divisen

na mekim 4-pela win olgeta.

Long ol arapela pilai Routo i bin winim Tukalo long gren fainal bilong Anda 17, 3-1 dispela em long penalti kik. Na tu ol i winim gren fainal bilong ol meri taim i pilai wantaim Brasist 3-1 long penalti kik.

SSSSSSSSST!

Guria i sempian tim bilong ol meri

MOSBI Guria em i sempian tim bilong ol meri bihain long ol i winim nesanel wimens klap sempionsip em Papua Niugini Futbol Asosoeisen (PNGFA) i bin holim long Madang long las wiken.

Dispela em i nupela soka sempionsip bilong ol meri, Benson na Hedges wantaim PNGFA i kamapim long traime helpim kik bilong ol meri i kamap gut.

Guria i bin soim tru stail bilong pilai stat long taim kik i stat long Fraide i go inap long las gem bilong ol long Sande. Kain kik bilong ol tu i bin winim tru

tingting bilong ol lain husat i go na lukim pilai.

Ol meri Mosbi i bin pilai 6-pela gem, winim 5-pela na dro long wanpela long kisim skoa i go antap long 16. Guria i bin daunim olgeta arapela 5-pela tim tasol ol i no bin inap long stapim ol susa bilong Vitiaz.

Ol meri Rabaul long Sande i bin stapim tru Guria long skoa. Tupela tim i kik strong tru na dro 1-1.

Bulldogs tim bilong Mendi i no bin kamap long fil long Sande olsem na Sambure na Moku i winim ol long

fofit. Ol meri Mendi i bin lusim Madang long Sande moning na go bek long Mendi.

Ripot i tok ol meri Moku bilong Wabag i bin lusim Madang na go bek tasol dispela ripot i no tru. Ol meri husat i no kamap long ples bilong kik long Sande em Bulldogs. Ol meri Moku i bin stap na pinisim olgeta kik. *Wantok* i no save long wanem as na ol meri Mendi i no stap long Sande na pilai.

Dispela namba wan tonamen bilong B & H nesanel klap sempionsip bilong ol meri i no pulim planti senta

tumas. Nesanel soka tonamen dairekta, Edris Kumbrawah i no bin amamas taim em i lukim 7-pela tim tasol i kamap.

Ol tim husat i kamap long sempionsip em Mosbi (Guria), Hagen (Kumul), Mendi (Bulldogs), Wabag (Moku), Rabaul (Vitiaz), Simbu (Sambure), na Madang (Watabag).

Planti tim i no kamap olsem na ol opisal i wokim dro long larim ol tim i pilai long raun robin. Olgeta tim i bin pilai 6-pela gem na wanem tim i kisim moa poin i bin kisim namba wan prais. Tim husat i

stap namba tu long poin lata i bin kisim namba tu prais.

Guria i bin kisim 16 poin na winim namba wan prais. Ol i bin kisim K500, namba tu prais i bin go long Moku ol i bin kisim 15 poin na i kisim K200 olsem prais mani. Namba tri prais i bin go long Watabag ol i kisim K100. Ol arapela tim i bin kisim K50.

Long dispela taim PNGFA i no bin gat ol sil na tropi long givim olsem na ol bai givim ol dispela samting bihain. Guria bai kisim wanpela sil na tropi taim Moku na olgeta ara-

pela tim bai kisim tropi long soim olsem ol tu i bin stap insait long dispela kik.

Kosa bilong Guria, Bole Banding i bin givim bikpela tok amamas bilong em i go long ol pilaia bilong em husat i bin kamapim wanpela gutpela kik tru. Banding yet i bin winim tu prais bilong nambawan kosa bilong tonamen.

Em i tok wanpela gutpela samting i helpim ol meri long kamapim gutpela kik em menesim bilong klap i gutpela winim ol arapela tim long Mosbi. Taim ol meri Guria i go long

Madang ol i bin slip long hotel na kaikai gutpela kaikai na dispela i bin helpim tru ol meri long pilai strong.

Em i givim bikpela tok amamas bilong em i go long ol opisal bilong Guria husat i save givim bikpela sapot tru long klap. Em i tok Guria klap na ol pilaia i no save wari long prais mani tasol ol i laik kik.

Bole i tok klap bilong em i save lusim bikpela mani winim prais ol i save winim long tonamen. Tasol ol i no wari long dispela liklik mani.

Ol meri Simbu i soim stail bilong ol long kik

BENSON na Hedges nesanel wimens klap sempionsip bilong ol meri i bin pulim 7-pela tim long kik. Dispela sempionsip i bin kamap long Madang long las wiken.

Wanpela long ol dispela tim em Sambure soka tim bilong Simbu.

Sambure em i wanpela tim bilong ol lain long ples husat i save kik long Kundiawa Soka Asosiesen. Olgeta pilaia bilong Sambure i bilong Sina Sina eria na ol i stap samting olsem 13 kilomita longwe long Kundiawa taun. Tasol bikpela laik

bilong ol long kik i save pulim ol i go pilai long taun.

Dispela yia em i namba wan taim bilong ol meri Sambure long kik long taun kompetisen. Long soka sisen bilong Kundiawa long dispela yia Sambure soka klap i bin

kamapim gutpela kik tru. Ol meri i bin winim maina primia bilong KSA olsem na dispela i helpim ol long stap insait long nesanel wimens klap sempionsip.

Planti ol arapela tim husat i bin kik long las wiken i kik long taim

pinis long wan wan asosiesen. Na ol i save pinis long stail bilong kik tasol ol susa bilong Sambure i go long Madang long traime tasol.

Kosa Martin Raymond i tok, tim bilong em i yangpela tim tasol na dispela i namba wan taim bilong ol long go aut long kain bikpela kik.

Raymond i tok planti ol pilaia bilong em i save stap long ples na ol i no save tumas long kain stail bilong pilai ol lain long nabis na ol arapela hailans senta olsem Hagen, Wabag na Goroka i save yusim.

Rabaul bai traime gen neks yia

VITIAZ soka klap bilong Rabaul i no bin kamapim gutpela kik tumas olsem ol yet i laikim long kamap

Ol meri Rabaul i bin bungim sampela hevi olsem na ol i no pilai gut. Pastaim long kik Vitiaz i no bin wari tumas long ol tim bilong hailans. Ol i bilip olsem ol bai stapim ol tim bilong hailans.

Rabaul i pretim tru ol i Mosbi Guria, Vitiaz i save olsem Guria i wanpela strongpela tim na tingting strong tru long stapim ol. Dispela kain pasin bilong ol i bin bagarapim tru sans bilong ol long win. Bikos ol i bin kirap nogut long kain stail bilong ol meri hailans.

Long Fraide Vitiaz i bin dro 0-0 wantaim Sambure bilong Simbu na Bulldogs bilong Mendi. Ol meri Hagen Kumul i bin winim Vitiaz, 2-1 na Moku i winim ol gen long 2-1.

Kik ol tim long hailans i kamapim i bin kirapim tru tingting bilong Vitiaz bikos Vitiaz i bin luk daun long ol. Sapos Vitiaz i bin tingting tasol long pilai na lus tingting long strong bilong wan wan tim, ating bai ol inap kamapim sampela bagarap long Madang.



• Kepten bilong Sambure, Daina Walam i sekhan wantaim edministrata bilong Madang Wep Kanawi long taim i go antap kisim prais mani.

Moku i winim namba tu ples

MOKU soka klap bilong Wabag i wanpela tim husat i bin tingting strong long winim nesanel wimens klap sempionsip long Madang.

Ol meri Wabag i bin gat bilip long ol yet na tok ol bai winim dispela kik. Bikpela tingting bilong Moku em long winim pilai na sapos ol i no win ol i bin tingting strong olsem ol i mas stap long fainal.

Dispela driman bilong ol long stap insait long fainal o winim pilai i bin kamap tru. Bikos ol meri Awi i kamapim strongpela pilai na kamap namba tu. Ol i bin kisim 15 poin taim Mosbi Guria i kisim 16 poin na winim kik.

Tim menesa bilong Moku, Maria Lakain i tokim *Wantok* olsem tim bilong em i bin redi gut long go pilai long Madang. Em i tok ol i no bin pret long sampela senta olsem Mosbi, Madang, Rabaul na Hagen.

Long taim bilong kik, Moku i bin wanpela tim em ol arapela tim i painim hat long stapim. Difens bilong Moku i bin strong tru na dispela i bin stapim tru ol arapela tim long skoa.

Moku i bin winim olgeta tim tasol ol i bin painim hat long daunim sempion tim, Guria. Long dispela kik Guria i bin winim Moku 1-0. Dispela gol bilong Guria i bin kamap long penalti kik taim wanpela pilaia bilong Moku i wokim paul kik na referi i givim

penalti long Guria na ol i skoa.

Lakain i tok olsem ol i no bin wari taim Guria i winim ol. Bikos ol i bilip Guria i bin winim ol tasol taim ol i kikim penalti gol bihain long wanpela penalti kik.

"Sapos Guria i bin sutim gol long taim bilong pilai em bai mipela i ken tok olsem Guria i winim mipela. Tasol ol i putim dispela gol long penalti kik na mipela i bilip olsem mipela inap stapim Guria long bihain taim taim mipela i bung ken," Lakain i tok.

Wanpela samting i helpim Moku em ol i bin bihainim gem plen bilong ol. Ol pilaia i bin harim tok na pilai olsem tim na dispela i bin helpim ol long kik.

Nau yet Moku i gat bikpela tingting olsem sapos ol i kamap ken long nesanel wimens klap sempionsip long neks yia ol bai kamapim gutpela kik. Na sapos ol i bungim Guria ol bai traime na stapim ol long win.

Ol pilaia bilong Moku i givim bikpela tok amamas bilong ol i go long mista na Mrs Mommers long helpim tupela i givim long klap. Kampani bilong Mommers, Moku i bin sponsaim dispela klap. Na ol pilaia i amamas long bikpela sapot famili bilong Mommers i givim long ol.



BENSON & HEDGES SOKA

Wantok

Ol Madang referi i autim wari

OL SOKA referi bilong Madang i no bin amamas long pasin Papua Niugini Soka Referi Asosiesen (PNGSRA) i wokim long taim bilong nesanel klap sempionsip bilong ol meri.

Long taim bilong kik i no gat wanpela referi bilong Madang i bin lukautim kik. PNGSRA i bin stapim ol referi bilong Madang long lukautim pilai bikos ol i bilip MSRA i no afiliet wantaim ol na tu ol referi long Madang i no baim K25 afiliisen fi bilong ol i go long PNGSRA.

Tasol bihain long wanpela kibung bilong ol referi long Sarere nait ol i bin tok orait long larim ol arapela referi husat PNGSRA i makim long lukautim kik.

Presiden bilong MSRA, Paul Marika i no bin amamas long pasin PNGSRA i wokim. Em i tok Madang i holim dispela sempionsip olsem na sampela referi bilong ol i mas lukautim kik. Em i tok ol soka pilaia long Madang bai no gat bilip long ol referi bilong Madang.

Em i tok Madang i gat ol gutpela referi husat inap lukautim gut kik.

HUSAT BAI TOP PILAIA NA KOSA?

LIONEL YOGOMIN i raitim

PAPUA NIUGINI Ragbi Futbal Lig (PNGRFL) bai givim ol awat i go long ol pilaia na kosa long Sarere nait.

Dispela samting bai kamap long Travelodge, Mosbi PNGRFL i askim pinis namba tu praim minista na minisat bilong Fainens na Plening Sir Julius Chan long stap insait long dispela taim. Ol i askim pinis Chris Johns wanpela nem pilaia bilong Brisbane Broncos na Australia long kamap tu.

Ol ragbi lig senta husat i afiliet wantaim PNGRFL i givim pinis nem bilong 26 man long kisim awat bilong Sir James Jacobi Player of the year, Pepsi Referee of the year na Winfield Coach of the year.

Mosbi lig na PNGRL Referi Asosiesen i bin makim George Buka na Tony Kuni long resis long kisim awat bilong Referee of the year.

Taim Rabaul lig i makim Paul Chee long resis long kisim awat bilong Coach of the year. Chee i bin winim 1991 Coach of the year awat. Tasol em bai resis wantaim nem kosa bilong Goroka, Leva Tete.



• David Buko

Tete i bin apim tru nem bilong Goroka lig taim em i go pas long Goroka Lahanis long winim 1993 SP inta siti kap. Na bihain em i bin go pas long klap bilong em Tarangau long winim Cambridge Kap.

Narapela kosa husat i resis tu em Adrian Genolagani husat i go pas long Royals klap long Mosbi na go insait long fainal.

Wanpela man husat i gat sampela sans long winim Player of the year awat em Kumul faivet Tuksy Karu.

Tasol nesanel lig edministreta, Jack Metta i no amamas long tupela nem lig senta, Hagen na Lae. Tupela i no bin givim nem bilong ol man long resis long ol awat.

Nominesen bilong resis long ol dispela

lain husat i save givim taim bilong ol long kamapim stendet bilong ragbi lig.

Hia em nem bilong ol lain i resis long kisim awat bilong Player of the year. Tuksy Karu (Mosbi), Karl Mitilidi (Rabaul), David Buko (Goroka), Lemesi Ita

(Mendi), Peter Mangobe (Tari), Lucas Skin (Wabag), Petrus Aitep (Madang), Mol Apa (Kundiawa), Steven Keako (Aiyura).

Nem bilong ol lain i resis long awat bilong

Coach of the year em Adrian Gengolagani (Mosbi), Paul Chee (Rabaul), Leva Tete (Goroka), C. Batten (Mendi), Kaiak Lapan (Tari), Toksy Nema (Wabag), Andrew Limi (Madang) na T. Rusiat (Aiyura).

Ol lain husat ol i nominetim ol long


resis long kisim awat bilong Referee of the year em George Buka (Mosbi), Tony Kuni (Mosbi), John Kerema

(Goroka), Sutherland Yore (Mendi), Alex Paliako (Tari), Eddie Mula (Wabag), J. Wal (Madang) na Francis Matmilo (Aiyura).

kain awat i no bilong ol A gret pilaia, Kumul o sampela top pilaia. Dispela em i bilong ol



• Tuksy Karu




• Tony Kuno wanpela long ol referi i resis long kisim awat bilong Pepsi Referee of the year.

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.



• Dispela em tim bilong Mosbi Guria husat i bin stap insait long nesanel wimens soka klap sempionsip. Guria i bin strong na kamap namba wan long dispela kik. Foto Ben Taumai





REBO

REBO I TRAIM LONG KISIM TU-POIN LONG PENOLTI KIK!!



EM GLASIM GUT TRU...




NAU EM RAN I GO NA KIKIM STRONG TRU I GO...



BAL I GO NA KLOSTU PUNDAUN AUSAIT...



TASOL NOGAT,, EM BAI LONG ARERE STRET BILONG POS NA GO INSAIT...



MAN, REBO SOT WIN OLGETA ...



HEY, WANTOK!


YU LAIK RITIM NIUSPEPA LONG TOK- PLES BILONG YUMI?... ORAIT, BAIM

WANTOK

EM NIUSPEPA BILONG YUMI OL PAPUA NIUGINI STRET!

NIUSPEPA BILONG OL PAPUA NIUGINI STRET Ernst & Young audited circulation 15,177

INO DIA TUMAS. 40¢ TASOL!




Antap raithan kona na daunbilo... Dispela tupela singsing grup i bin kukim stret ples long las de bilong amamasim Golden Jubili bilong Asbisop Leo Arkfeld husat i bin stap wok longpela taim long ol provins bilong Madang na Is Sepik. Long tupela wik i go pinis, Wirui Peris i bin kamapim bikpela samting tru bilong soim amamas bilong ol long dispela man husat i bin helpim ol tumas. Long dispela taim, ol pipel i bin givim tu klostu long K20,000 i go insait long spesel fan bilong Asbisop. Orait long foto antap...wanpela narakain painap olgeta i karim kain kain planti prut long en.

SUPA SWIT MOA

Birua long solwara

M.V. KOS I KISIM OL PASINDIA NA OL I GO LONG SAMARAI... KAPTEN BILONG SIP I WARI TRU LONG WANEM MITA BILONG BENSIN NA OIL I NO WOK GLITI...



LONG HAP ROT NA ENSIN I DAI NATING NA SIP I STOP...



KAPTEN! ENSIN I GAT HUL NA BENSIN I KAP SAIT I GO PINIS!

OH-NO! BAI YUMI MEKIM WANEM!

NAI EM TOK SAVE LONG OL PASINDIA...



OL PASINDIA.. I GAT LIKLIK TRABOL LONG ENSIN!

AIYO! MI PRET YAH!

AEE! MI NO SAVE LONG SWIM YAH!

!?!?

LONG NARAPELA SAIT BILONG KANTRI, SUPA SWIT MOA I HARIM OL...

NOKEN WARI MAI WANTOKS MI KAM NAI!



MAYDAY! MAYDAY! MIPELA IPAS LONG SOLWARA!!



HOORAY!! SUPA SWIT MOA IKAM!!!

WHEW! TENKIU TRU SUPA SWIT MOA!!

NOKEN WARI TUMAS! BAI MI PULIM YUPELA I GO!



YUMMY! SWIT MOA ENITAIM!

SUPA SWIT MOA I PULIM OL I KAM KAMAP LONG WOF... I GAT PAWA!!

The Taste of Paradise

MUSIK NA TELEWISEN

PAPUA NIUGINI



Butaweng Gospel ben i kisim ples

I GAT wanpela gospel grup long hap bilong Finsafen i wok long kamap isi isi. Dispela ben em Butaweng Gospel grup.

Nau yet planti man-meri i save long ol biknem ben olsem Reks, Komowagi, Nane Nase, Dark Ends, Junion Kolen, Sikas, Masaweng Rocks, Miti Ben, Senpi, Langema, Missing Shadows na sampela moa.

Butaweng Gospel grup i kamap long ol yangpela miks blut bilong ples Simbang na Braun Helt Senta long Finsafen.

Ol i gat bikipela laik long singsing na ol i laik rekotim tu wanpela kaset bilong ol. Tasol nau yet ol i no gat ol instramen. Ol i save yusim ol gita na arapela instramen bilong lain Langema ben. Ol i mekim olsem bikos i gat ol ben meba bilong Langema tu i stap wantaim ol.

Butaweng Gospel ben i bin stat long mun Jun long dispela yia. Ol i save raun na pilai long long Satelbeg, Gagidu na Braun Helt Senta long Sande na ol narapela bikipela de.

Ol i gat inap singsing nau long rekotim wanpela kaset bilong ol. Tasol ol i sot long mani.

Ol ben memba long dispela grup em Moyam Opu - ridim gita na vokal; Giwi Katam - kibot na vokal; Martin

Opu - lid gita na bekap; Mathias Kiking - bes gita na Kase Nasala - dram.

Ol i gat stail na blut bilong Langema tu ya olsem na long taim ol i laik kirapim bilong, bai i no gat wanpela samting inap long pasim ol.

Papua Niugini i no nupela long Langema string ben. Long 1980 i kam inap nau Lange- ma i holim rekot bilong ol string ben. Planti lisina i save kus pundaun long dispela string ben.

Sampela singsing bilong ol i gat paia nogut i hukim yau bilong lisina. Ol song olsem Ai Gamoa Sias- si (Mi stap long Sias- si); *Ayung Kipi* (Mun i kamap); *Manebao, Ai Gamoa Makam Veli* na ol narapela singsing.

Namba wan taim ol

dispela singsing i kam aut, samting olsem graun guria i bin kamap long olgeta hap bilong kantri. Liklik boi husat i singsing long Langema ben em Giwi Kata. Nau em i stap insait tu long Butaweng Gospel grup.

Lida bilong Langema ben, Kayoka Elia, i kamap Luteran pasto nau na em i wok long hap bilong Tawa, Aseki eria.

Narapela memba bilong Langema ben, Jacob Joe tu i kamap Luteran pasto na em i wok long hap bilong Simbang.

Ol narapela memba em Yaing Katam, Sete Opu, Kone Opu, Mare Zeng, Bing Sete, Kipu Augu na Kepeng Joel. Ol i nopilai fultaim long Gospel ben bikos ol i

marit na i gat meri piknini nau. Ol i save pilai wan wan taim na skulim ol yangpela.

Butaweng Gospel grup i gat wanpela beng akaun na oltaim ol i save putim mani long beng. Ol i laik bungim inap mani na go katim wanpela kaset bilong ol. Ol i gat bikipela laik long go long Pasifik Gol studio long Rabaul na katim singsing.

Sapos olgeta samting i go gut na ol dispela yangpela i go katim singsing, bai ples i paia gen. Bikos ol dispela yangpela blut i gat marasin nogut bilong ol stail song i stap long nek bilong ol. Ol i bihainim rot we Lange- ma string ben i bin lusim.



• Butaweng Gospel ben


I KAM LONG Ela Motors OL WIL BILONG NESEN

AMERICAN TOP FORTY AS AT 20/11/93

CUR.	TITLE	ACT NAME
1.	All That She Wants	Ace Of Base
2.	Dreamlover	Mariah Carey
3.	I'd Do Anything For Love (But I Won't D That)	Meat Loaf
4.	The River Of Dreams	Billy Joel
5.	No Rain	Blind Melon
6.	Again	Janet Jackson
7.	What Is Love	Haddaway
8.	Two Step Behind	Def Leppard
9.	Another Sad Love Song	Toni Braxton
10.	Sweat	Inner Circle
11.	Cryin'	Aerosmith
12.	Right Here/Human Nature	SWV
13.	IF	Janet Jackson
14.	Runaway Train	Soul Asylum
15.	Ooh Child	Dino
16.	Better Than You	Lisa Keith
17.	Everybody Hurts	R.E.M.
18.	Baby I'm Yours	Shal
19.	Can't Help Falling In Love	UB40
20.	Hey Jealousy	Gin Blossoms
21.	Wild World	Mr. Big
22.	If I Had No Loot	Tony! Toni! Tone!
23.	Please Forgive Me	Byran Adame
24.	Break It Down Again	Tears For Fear
25.	Reason To Believe	Rod Stewart
26.	Soul To Squeeze	Red Hot Chili Peppers
27.	Lately	Jodeci
28.	Anniversary	Tony! Toni! Tone!
29.	Will You Be There	Michael Jackson
30.	Rain	Madonna
31.	Runaway Love	En Vogue
32.	Human Wheels	John Mellencamp
33.	Pink Cashmere	Prince
34.	Show Me Love	Robin S.
35.	Jimmy Olsen's Blues	Spin Doctors
36.	I Don't Wanna Fight	Tina Turner
37.	Hopelessly	Rick Astley
38.	Nothing 'Bout Me	Sting
39.	Hero	Mariah Carey
40.	Too Much Information	Duran Duran

EMTV TELEWISEN

THURSDAY 18TH NOVEMBER, 1993		
5.27	STATION OPEN	
5.30	ITN NEWS (G)	
6.00	TODAY SHOW (G)	
8.00	SESAME STREET (G)	
9.00	STATION CLOSE	
1.27	STATION RE-OPEN	
1.30	RAY MARTIN (PGR)	
3.00	AT MIDDAY	
4.00	KIDS KONA	
4.30	SESAME STREET (G)	
4.40	KIDS KONA	
4.50	FAT CAT (G)	
5.00	NEW SCOOPY DOO (G)	
5.00	MAGILLA GORILLA (G)	
5.27	EMTV TOK SAVE	
5.29	EMTV NEWS BREAK	
5.30	HOME AND AWAY (G)	
6.00	NATIONAL EMTV NEWS	
6.30	A CURRENT AFFAIR (G)	
7.00	SALE OF THE CENTURY (G)	
7.32	NEIGHBOURS (G)	
8.00	EMTV TOK SAVE	
8.05	FIZZ (G)	
9.00	MARRIED WITH CHILDREN (PGR)	
9.30	LOVE AND WAR (PGR)	
10.00	A COUNTRY PRACTICE (G)	
11.00	NATIONAL EMTV NEWS REPLAY (G)	
11.27	MEDITATION WITH PASTOR WALO ARNI	
11.30	STATION CLOSE	
FRIDAY 19TH NOVEMBER, 1993		
5.27	STATION OPEN	
5.30	ITN NEWS (G)	
6.00	TODAY SHOW (G)	
8.00	SESAME STREET (G)	
9.00	STATION CLOSE	
1.20	STATION RE-OPEN	
1.30	RAY MARTIN AT MIDDAY (PGR)	
3.00	KIDS KONA (G)	
4.00	FAT CAT	
4.30	NEW SCOOPY DOO (G)	
5.00	MAGILLA GORILLA (G)	
5.27	EMTV TOK SAVE	
5.30	HOME AND AWAY (G)	
6.00	NATIONAL EMTV NEWS	
6.30	A CURRENT AFFAIR (G)	
7.00	SALE OF THE CENTURY (G)	
7.30	NEIGHBOURS (G)	
8.00	RESCUE 911 (G)	
8.30	AUSTRALIA'S FUNNIEST HOME VIDEO (PGR)	
8.57	EMTV TOK SAVE	
FRIDAY NIGHT MOVIE (M)		
9.00	"The Incident"	
10.30	FOCUS (G)	
11.00	NATIONAL EMTV NEWS REPLAY	
11.27	MEDITATION WITH PASTOR WALO ARNI	
11.30	STATION CLOSE	
SATURDAY 20TH NOVEMBER, 1993		
4.27	STATION OPEN	
4.30	GILLETTE (G)	
5.00	BONANZA: "One Too Many Aces" (G)	
6.00	NATIONAL EMTV NEWS	
6.30	HEY HEY IT'S SATURDAY (G)	
8.30	NCDC NEWS (G)	
8.50	TOK SAVE	
9.00	BURKE'S BACKYARD (G)	
10.00	HAWAII 5-0 (PGR)	
11.27	MEDIATION WITH PASTOR WALO ARNI	
11.30	STATION CLOSE	
SUNDAY 21ST NOVEMBER, 1993		
6.57	STATION OPEN	
7.00	BUSINESS SUNDAY (G)	
8.00	SUNDAY	



10.00	MERCANTILE MUTUAL CRICKET (G)
12.30	GILLETTE (G)
1.00	CRICKET CONTINUES (G)
5.00	BONANZA (G)
6.00	NATIONAL EMTV NEWS
6.30	WONDERFUL WORLD OF DISNEY (G)
7.25	EMTV TOK SAVE
7.30	60 MINUTES (G)
8.30	SUNDAY NIGHT (PGR)
9.57	MOVIE: "Rocket Gibraltar" CHIT CHAT WITH SIR PAULIAS MATANE
10.00	LUMEN 2000 (G)
10.30	NATIONAL EMTV NEWS REPLAY
10.57	MEDIATION WITH PASTOR WALO ARNI
11.00	STATION CLOSE

PNG TOP TWENTY

AS AT 13/11/93

NO.	SONG	ARTIST
1 (2)	Askere	Hollie Maea
2 (3)	10 x Pekitona	Pongoros '93
3 (1)	A Mistake	Leonard Kania
4 (6)	Pinky Pinky Ponky	Darkends
5 (12)	Kir Ta Prove Tana	Kokotatts
6 (7)	Swit Smile	Vuvu Vibrations
7 (4)	Luluk Tamavaatur	Barike
8 (5)	Data Tut	Festalight
9 (3)	Soldier Boy	Darkends
10 (8)	Bihain Taim B'ville	Crisis Survivors
11 (18)	Seaside	Jr Kopex
12 (19)	City Meri	Kanini Bros
13 (9)	Sauga Mei	Sauga Band
14 (11)	Josephine	Leonard Kania
15 (15)	No Compromise	Max Manimbi
16 (14)	Swit Finche	Reks Band
17 (18)	Chako Chako	Chaco Chaco
18 (19)	Lewa I Lusim Mi	C. Survivors
19 (17)	Pavora Easo	Paraisa Band
20 (0)	Arua Pipi	Arovu Harisu

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.